



## Parlamentario Hulandes ta cuestiona 'deficiencia den maneho financiero di Aruba'



Pagina 2

- **DOW ta ofrece contesta riba algun pregunta tocante desmantelacion riba Prof. Lorentzstraat**

Pagina 6

- **Corsou: Wit Gele Kruis cu problema pa escasez financiero**

Pagina 9

- **Haiti: Viuda di Moïse ta pidi Trump pa declasifica documentonan riba e asesinato di e presidente Haitiano**

Pagina 11

## Autoridadnan a descubri semi-laboratorio di cocaina na Schotlandstraat



Pagina 2

## Ex parlamentario Marisol Tromp ta aclaria acusacionnan den su direccion relaciona cu tereno di St. Regis Hotel



Pagina 3

## Comite di Conmemoracion Pasado di Slavitud presenta oficialmente sin representacion di Aruba



Pagina 4



*Unit Narcotica cu 3 detencion na diferente parti di nos isla*

## Autoridadnan a descubri semi-laboratorio di cocaina na Schotlandstraat

Ayerá mediante un comunicado di prensa, Cuerpo Policial di Aruba a duna informacion tocante detencion relaciona cu droga, unda a haci un inval riba un semi-laboratorio di cocaina y un plantacion di marihuana.

Segun e comunicado di polis, diadomingo Unit Narcotica ta haci un inval riba un semi-laboratorio di cocaina na un compleho di apartamento situa na Schotlandstraat.



Na yegada di Unit Narcotica na dicho sitio ta detene dos turista procedente di Corsou. Ta trata aki di e hombernan

di inicial Q.V.M. naci na Corsou di 35 aña y e homber A.A.A.R. naci na Corsou di 31 aña.

Unit Narcotica no a para keto y dialuna mainta tempran a mobilisa cu un team y a haci un entrada hudicial na Aliviostraat y ta detene e homber di inicial G.B.M. naci na Aruba di 35 aña.

E detencion ta pa bende-mento di droga. Den e cas a bin encontra un plantacion di

marihuana y a confisca esakinan tambe.

Diferente departamentonan di Cuerpo Policial a forma parti di e accion. Entre otro team di Aresto, K-9 Unit, polis uniforma como tambe Ministerio Publico, segun e comunicado.

Cuerpo Policial ta haci un apelacion na es cu sa algo of a wak algo pa yama tiplijn di polis cu ta 11141. Bo ta keda anonimo.

## OM: Landsrecherche ta investigando tiroteo mortal na Madiki Kavel

Den oranan di mainta di diadomingo 9 di februari 2025 un tiroteo a tuma lugar, caminda e homber hoben A.C. Lanoy di 19 aña di edad a wordo alcanza pa balanan policial, y a bin na fayece. Esaki a hiba na gran emocion y na hopi tristesa cerca su famia y den comunidad completo.

Den un investigacion penal manera esaki, den cual polisnan ta envolvi den in-

cidentenan di violencia cu ta termina cu morto, practicamente semper ta tuma lugar un investigacion independiente di Landsrecherche di Aruba. Landsrecherche ta un cuerpo investigativo cu ta neutral y cu ta independiente di Cuerpo Policial di Aruba. Mes ora despues di e incidente fatal Landsrecherche a start un investigacion penal bao guia di fiscal di husticia. E polisnan envolvi a wordo scucha como sospechoso.

E investigacion ta andando awor aki y pa su duracion e polisnan envolvi a wordo prohibi entrada den wardanan.

Ministerio Publico sa y ta consciente cu e tiroteo tin impacto grandi riba comunidad di Aruba. Pa e motibo aki, pa mas leu cu e investigacion ta permiti, Ministerio Publico lo percura pa informa regularmente tocante e investigacion y tocante adelantonan den e investigacion.



## Parlamentario Hulandes ta cuestiona 'deficiencia den maneho financiero di Aruba'

Parlamentario Hulandes, Aukje de Vries (VVD) a dirigi e siman aki algun pregunta por escrito na Secretario di Estado pa Relacionnan di Reino, Zsolt Szabo, tocante e rapport "Investigacion riba Cuentanan Anual 2019 di Pais Aruba".

Pa cuminsa, De Vries ta puntra si e Secretario di Estado ta na altura di e rapport di Algemene Rekenkamer di Aruba titula "Investigacion riba Cuentanan Anual 2019 di Pais Aruba", y kier sa con e Secretario di Estado ta evalua e hecho cu Pais Aruba no ta duna prioridad na completa e cuentanan anual, resultando den ausencia di un ciclo presupuestario concluyente. "Ademas, con bo ta evalua e conclusion y recomendacionnan presenta den e rapport aki?" e parlamentario a skirbi.

Den su di tres pregunta, De Vries ta puntra con e Secretario di Estado ta evalua e 'deficiencianan den maneho financiero di Aruba' como tambe 'e hecho cu no a haci



mehoracion structural den e proceso presupuestario? Tambe ta puntra si Szabo ta di acuerdo cu awo mester inicia un trayectoria di mehoracion 'urgentemente' pa sigura maneho financiero adecuado na Pais Aruba. "Si no, pakico no?" Den e mesun linea, ta pidi e Secretario di Estado pa indica kico por haci pa sigura cu 'ta trece maneho financiero di Aruba den orden.'

Ademas, De Vries ta pidi e Secretario di Estado pa informa kico ta e consecuencianan di e deficiencia den maneho financiero di Aruba pa e implementacion di e Landspakket.

Tocante e rapport di Algemene Rekenkamer especificamente, parlamentario De Vries a puntra con e rapport ta relaciona na e comentarionan di e Secretario di Estado durante e 'verzamelcommissiedebat CAS' cu a tuma lugar dia 15 di januari ultimo (36 600 IV, No. 46), den cual Szabo a declara cu a haci bon progreso pa mehora maneho financiero di Aruba. "Kico ta e bon stapnan aki? Ki evidencia tin di mehoracionnan den maneho financiero? Con tur esaki ta aline cu e acuerdonan haci bao di e marco di e Landspakketten?"

Ley di Reino pa supervision financiero Den e mesun carta, parla-

mentario De Vries tambe a dirigi un par di pregunta tocante e contencioso Ley di Reino riba Supervision Financiero pa Aruba, un tema pa cual prome minister demisionario, Evelyn Wever-Croes (MEP) a bishita Hulanda recientemente.

De Vries a puntra kico e status actual di e ley di Reino (Rijkswet) aki ta, y si ainda e Secretario di Estado ta den discusion cu pais Aruba riba e asunto aki. "Na ki momento ta spera di yega na un acuerdo cu Aruba? Ki obstaculo tin?" e parlamentario a puntra.

Finalizando, e parlamentario a puntra Secretario di Estado Szabo si e ta di acuerdo cu mester finalisa e Ley di Reino riba Supervision Financiero pa Aruba lo mas pronto posible, y si e no ta di acuerdo, pa splica pakico.

Tocante e topico aki, diabierna ultimo, Wever-Croes a bisa den un comunicado di prensa:

"E ley di Reino ta un di e temanan principal di e reunionnan cu mi ta atende e diana aki na Hulanda. E



negociacionnan ta andando y manera ta conoci, Hulanda a duna di conoce cu si Aruba por cumpli cu cierto condicionnan, nan ta dispuesto pa baha e interes di e debe di 5.1% cu e ta actualmente, pa 3.4%. Esey lo ta un "game changer" pa Aruba. Principalmente mirando e hecho cu Hulanda ta dispuesto tambe pa refinancia e debenan bieu di prome cu e pandemia na e mesun interes di 3.4%. Si por logra esey tambe lo tin un espacio financiero aun mas grandi, unda e gobierno nobo por haci inversionnan y duna back na e comunidad."

Secretario di Estado ainda no a duna un indicacion na ki momento por spera e contestacion aki.



## Ex parlamentario Marisol Tromp ta aclaria acusacionnan den su direccion relaciona cu tereno di St. Regis Hotel

Ayera mainta politico y ex parlamentario Marisol Tromp a tene un conferencia di prensa durante cual el a trece dilanti informacion relaciona cu e topico di tereno di beach dilanti St. Regis Hotel. Tromp a indica cu el tuma nota cu tin informacion, eroneo segun e politico, ta circula cu ta implica su persona den e situacion aki y kier a sali pa dilanti pa aclaria duda cu tin riba su envolvimento den esaki.

Tromp a splica cu el a tene e conferencia di prensa aki pa motibo cu tin informacion cu ta bay rond cu no ta correcto y cu ta mas bien instigativo referiendo cada bes na su persona como ex minister di infraestructura. El a splica kico tabata e decision cu a tuma den e tempo di 2006, y tambe kico a sucede despues.

El a indica cu el a mira, despues di e protesta cu a tuma luga diadomingo, cu prome minister a bisa cu su persona lo a cera acuerdo cu St. Regis hotel na aña 2006 pa traha hotel na e area aki. Ademá el a indica cu tambe tabatin mas aspecto caminda mas bien gobierno ta laba man den splica e berdad.

E ex parlamentario a señala cu tambe ta ser referi cu su lo a duna tereno na hotel St. Regis, cual el a indica no ta corecto. El a splica cu loke tabatin e tempo ey, den añanan 2006, e situacion y e tempo-



rada tabata diferente compara cu awor. El a sigui splica cu tabatin un gobierno cu no tabata un coalicion y ademá e tempo ey tambe tabatin hopi peticion, como tambe necesidad pa desaroyo riba e isla, no solamente pa hotel.

Tromp a señala cu e tempo ey tur toma di decision di gobierno, particularmente di su persona como minister y sobretodo ora tabata trata proyectonan grandi, hotel, condominio, of ta trata proyectonan di hopi impacto, semper tabatin un manera di traha.

El a splica cu e manera di traha tabata cu ta e departamentonan di gobierno ta esunnan cu tabata prepara, instala comisionnan, reuni cu desaroyadornan, planifica y wak si nan ta haya loke nan ta

pidi of no. El a resalta cu muy en particular nan tabata presenta un consejo completo e tempo ey na minister di infraestructura y ora di bay tuma decision, como minister di infraestructura e tempo ey, e no tabata tum'e sin consulta cu Consejo di Minister.

“Kiermen tur e tipo di proyecto aki tambe a bay Consejo di Minister pa informa y pa haya un aprobacion p'e y como minister di Infraestructura bo ta aprob'e y carga e responsabilidad.” El a subraya.

Pa loke ta e area caminda e hotel ta situa, Tromp a splica cu antes for di prome cu aña 1954 e area ey no tabata di gobierno, e tabata eigendom, y tabata tereno entre otro, di un famia Eman y tabata propiedad di Aruba Palm Beach

Club caminda e tempo ey tabatin otro construccion eynan, cuater cas di club net na e area cu nan ta cuestionando cu lo ta di pueblo.

El a sigui splica cu despues di tempo e propietario nan a negosha y a bende esaki den transcurso di añanan y keto bay e tabata un tereno eigendom. El a indica cu na aña 2006 loke a sucede ta cu su persona como minister a haya e consejo, despues cu e peticion a drenta, pa entre otro yega na un acuerdo, cual a bay Consejo di Minister, pasobra tabatin un propiedad eigendom combina cu erfpacht hunto, y kier a desaroya timeshare aki.

E ex minister a subraya cu e tempo ey e decision pa otorga nan e parti timeshare tabata entre otro basa cu den e añanan ey tabatin hopi hende trahando den e mercado y tabatin necesidad pa e desaroyo aki y asina e peticion aki a ser honra pa e parti di timeshare. Despues a bin negociacion entre tur departamento di gobierno y a propone pa haci e tereno erfpacht, pasobra e tempo ey lo tabata un problema no solamente pa nan pero pa tur envolvi despues si el a ser otorga como tereno combina, erfpacht combina cu eigendom.

Pa evita problemanan legal a opta pa haci'e erfpacht y una bes cu esaki a tuma luga no tabatin desaroyo eynan, e luga a keda bashi, te aworaki cu tur hende sa con el desaroya.

Segun e Tromp a indica despues di esey a bin un acercamento na e ministernan di infraestructura cu a bin despu-

es di dje y na e aña 2016 bin ariba, tabatin entre otro cambio di destinacion, el a bira un hotel en bes di timeshare.

Tromp a agrega cu a bin un MoU caminda ministernan di e tempo ey na 2018, Otmar Oduber di Infraestructura y Dangui Oduber di Turismo, a yega na un acuerdo cu e compania pa aproba e masterplan cu tabatin e tempo ey y un parti di dje tabata pa percura pa e warda di polis schuif y pone area pa cierto recreacion.

“Ta un acuerdo cu nan a yega na dje y cu nan a presenta cu hopi celebracion pasobra ta trata di un hotel di prestigio y a ser considera e momento ey cu e lo ta algo positivo pa Aruba,” el a indica.

Biniendo back den actualidad y e preocupacion riba e palo di kwihi, y e flora y fauna, el a subraya cu ta un preocupacion real, pero no ta uno ta existi di awo, e ta existi di antes caba y p'esey mes for di añanan 2006 sin cu tabatin construccion eynan a bay over pa percura cu e ta proteha.

Tromp a indica cu no tabata trata e palo di kwihi so. Pues e tempo a percura pa no solamente proteha e mata di kwihi, pero tabatin otro mata e tempo ey, cu tabata uno hopi unico, cu tambe a percura pa pone den acuerdo entre DOW, DIP y Santa Rosa e tempo ey pa proteha esakinan di cualkier desaroyo cu por tin den futuro.

Hopi ta menciona cu e acceso na beach y e beach publico. E ex parlamentario a recorda cu Aruba ta un pais cu tur e lama- y beachnan mester keda semper pa pueblo. “No tin anda cu por wordo bendi, no tin nada cu por wordo kita cu loke ta lama, semper e ta di pueblo,” el a enfatisa.

Pa loke ta e parasol- y stoelnan cu e hotel tin riba e tereno aki. El a splica cu informacion cu ex minister Otmar Oduber a duna cu e hotel lo mester paga precario pa e parasolnan aki, no ta cuadra. El a sigui splica cu hotelnan, cualkier luga of persona ta paga precario ora cu ta trata di tereno publico, den e caso di e hotel, segun Tromp, ta tereno di e hotel cu tin'e den erfpacht y nan por haci esaki.





## Comite di Conmemoracion Pasado di Sclavitud presenta oficialmente sin representacion di Aruba

**Ayer a ser presenta oficialmente e Comite di Conmemoracion Pasado di Sclavitud, cual manera minister di Cultura demisionario, Xiomara Maduro a informa anteriormente, Aruba no lo forma parti di esaki pa motibo di su disgusto pa con Hulanda tabata trata Aruba relaciona cu e tema di refinanciamento di debe di COVID.**

Segun e noticiero local, Noticia Cla, a indica e Comite a ser presenta oficialmente na prensa Hulandes ayer y Aruba a keda afo di dicho Comite den forma protesta.

Den un articulo anterior di Bon Dia Aruba, ya caba a trece dilanti cu Gobierno di Aruba a cumpli cu su menasa di boicotia e Comite di Conmemoracion di Pasado di Sclavitud. Segun un articulo di portal noticiero, Dossier Koninkrijksrelaties e motibo di e boycott ta cu Gabinete Wever-Croes II ta expresando su disgusto pa e tasa di interes cu Hulanda a impone riba e prestamo tempo di pandemia di Covid.

Manera ta conoci, Aruba ta pagando un tasa di interes mas halto cu Corsou y Sint Maarten, pasobra a nenga di introduci un Ley di Reino riba Supervision Financiero (Rijkswet). E tasa di interes ta bay baha unabes cu entrega e ley na Parlamento.

Den luna di november 2023 Minister di Finanzas y Cultura, durante un discurso na ocasion di encuentro di Genootschap Nederland Aruba riba Herdenkingsjaar Slavernijverleden dia 11 di november 2023 na Den Haag, a critica e actitud di Hulanda den e negociacion pa refinanciamento di e prestamonan di tempo di pandemia di coronavirus.

E momento ey minister Maduro a recorda cu dia 19 di december, Hulanda a duna disculpa pa pasado di sclavitud. El a destaca e comentarionan di prome minister Evelyn Wever-Croes e tempo ey, den cual el a bisa cu disculpa bon intenciona semper ta bon bini. Pero el a bisa cu su palabranan ta insinua e necesidad di sinceridad y reconocemento den e proceso di reconciliacion.

E mandatario a expresa cu a



pesar cu di banda di Hulanda a pidi disculpa, na Aruba ta reina incertidumbre tocante e sinceridad cu cual a duna esaki. “E incertidumbre aki ta keda reforsa pa e presion politico y economico cu Hulanda ta eherce riba Aruba,” el a remarca. El a sigui bisa cu den esaki e ta referi na e manera con e paisnan den Reino – Aruba, Corsou y Sint Maarten – a ser tata durante e negociacionnan pa refinanciamento di e debenan di Covid, indicando cu “ta necesario pa auto-reflexiona.”

E tempo aya, Maduro ta resalta cu e ta sorprendi cu Hulanda, a traves di Ministerio di Relacion Exterior a impone un interes asina halto pa Aruba y tambe cu nan ta pone presion pa un acuerdo predetermina y usa menasa como medio di presion pa firma e acuerdo di refinanciamento.

El a subraya cu tal trato pa

un solicitud di ayudo dentro di Reino, den e aña di conmemoracion di historia di sclavitud, no merece ningun premio y no por wordo splica di un bon manera den ningun idioma.

“Hulanda no por di un banda disculpa pa e historia di sclavitud y di otro banda impone un ‘strafrente’ pa Aruba balora na mas di 300 milyon florin (150 milyon euro) cu e ta gana cu e sufrimento di e pueblo di Aruba durante e pandemia. E accion aki di Hulanda ta refleha un practica colonial, ora cu mester a saca probecho di e colonianan,” Maduro a enfatisa e tempo ey.

Maduro a critica e actitud di Hulanda. El a recorda cu a rekeri pa Aruba firma un acuerdo di refinanciamento pa e prestamonan di Covid prome cu dia 10 di october ultimo, pa cual tabatin dos

opcion: “bay di acuerdo cu e ley di reino pa supervision financiero (RAft) door di cual nos lo ricibi un porcentahe di interes di 3,4%, of si no bay di acuerdo cu e ley di reino, un interes di 6,9%, cual en realidad ta un ganashi pa Hulanda di 3,5%.”


“Lo tabata miho si Hulanda tabatin mas comprension pa e paisnan Caribense den Reino. E negociacion y e imposicion di loke nos ta yama “tarifa di castigo” en realidad ta refleha un actitud colonial, y ta de hecho un forma nobo di sclavitud,” segun Maduro.

Sinembargo, Hulanda ya a laga bon cla kico ta su motibonan pa insisti riba un ley di Reino na lugar di un landsverordening di Aruba. Y tambe ta tene cuenta cu e situacion financiero di Aruba ya tabata precario prome cu e pandemia – un situacion laga atras pa gobiernonan anterior,

sigur, pero un situacion cu pa Hulanda ta nifica riesgo den nan propio finanzas. Considera por ehemplo cu Hulanda mester a haci amienda den su propio presupuesto e aña aki pa tene cuenta cu Aruba no lo paga e prestamo di Covid back e aña aki, y cu e placa cu a fia ta e placa di e pagado di belasting Hulan-

des. Na final di e discurso, minister Maduro a informa na esnan presente cu Ministerio di Finanzas y Cultura lo no forma parti mas di e agenda pa conmemora e abolicion di sclavitud den Reino Hulandes. “Ta para tur trabou ‘tot nader orde’ y e motibo principal pa esaki ta e manera di trata cu otro den e negociacionnan pa refinancia e debe di e pandemia, y e ‘strafrente’ di 300 milyon florin cu e pueblo di Aruba ta haya pa paga pa un yudansa basa riba articulo 36 di statuut.”

E representantenan di e otro islanan cu a join e Comite di Conmemoracion a keda anuncia dia 27 di januari ultimo, durante un presentacion. Tareanan di e comite ta inclui aumenta conocimiento y conscientisacion tocante e pasado di sclavitud. E miembronan prospectivo di e comite ya a participa den un siman di trabao na Corsou, sin cu tabatin un representante di Aruba. E Comite di Conmemoracion ta bay conta cu sosten di un organizacion di trabao cu oficina na tanto Hulanda Europeo como e parti Caribense di Reino.





**Editor**  
Caribbean Speed Printers N.V.  
Aruba Bank N.V. Acc. #332668  
Caribbean Mercantile Bank N.V.  
Acc. #23951903  
RBC Royal Bank Acc. #13307728

**Operations Manager**

Mariette Engelhart

**Redaccion**  
[noticia@bondia.com](mailto:noticia@bondia.com)

Pilar Flores (hefe di redaccion)  
Angenette Figuereo (closer editor)  
Leo Maduro  
Raisa Montilla  
Oriana Geerman

**Ehecutivo di Benta**

Sulaika Croes  
[sulaika.croes@cspnv.com](mailto:sulaika.croes@cspnv.com)  
Mark Gomes  
[mark.gomes@cspnv.com](mailto:mark.gomes@cspnv.com)

**Aviso y Arte**

Sandra Loefstop  
Lisa Tromp

**Departamento Digital**

Juan Luis Pinto

**Administracion**  
[accounting@bondia.com](mailto:accounting@bondia.com)

Martha Arteta de Ariza

**Distribucion**

Jenny Kelly

**Coleccion**

Evelinda de Cuba - Tromp

**Pre Press**

Luis Fernando Arenas (Hefe)  
Pablo Libre

**Press**

Roland Schenker (Hefe)  
Omar Ramirez  
Martin Boekhoudt  
Francis Dirksz

**Colaboracion**

Associated Press  
Ret Karibense  
Data Key

**Afiliacion**  
Sociedad Interamerica  
di Prensa (SIP)

**DIRECCION**

Adres: Weststraat #22  
Tel: 582-7800  
Email: [noticia@bondia.com](mailto:noticia@bondia.com)  
[aviso@bondia.com](mailto:aviso@bondia.com)  
[info@bondia.com](mailto:info@bondia.com)  
Website: [www.bondia.com](http://www.bondia.com)  
Facebook: [@bondianoticia](https://www.facebook.com/bondianoticia)  
Instagram: [bondiaaruba](https://www.instagram.com/bondiaaruba)

**BON DIA ARUBA** ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

# Scrubble Bubbles Foundation cu un tayer unico pa celebra e di 10 aniversario di Dia Internacional di Hende Muhe y Mucha Muhe den Ciencia

Ayera a conmemora e di 10 aniversario di celebracion di Dia Internacional di Hende Muhe y Mucha Muhe den Ciencia. Pa e ocasion special aki Scrubble Bubbles Foundation Aruba a organisa un tayer caminda por a siña mas di restauracion di coral y e importancia di esaki.

Aña 2025 ta marca e 10 aña di aniversario di e Dia Internacional di Hende Muhe y Mucha Muhe den Ciencia y e 30 aña di aniversario di Declaracion di Beijing y Plataforma pa Accion, dos punto di referencia importante den e esfuerso global pa promove igualdad di genero y empoderacion di hende muhe.

Igualdad di genero den ciencia ta fundamental pa construi un miho futuro pa tur hende, sinembargo, hende muhe y mucha muhe ainda ta enfrente obstaculo sistémico y prehuicio den nan desaroyo di un carera den ciencia.

Pa cera e buraco di genero den ciencia, mester kibra stereotiponan, promove modelo di inspiracion pa muchanan, duna sosten pa progreso di hende via programa específico, y stimula un ambiente inclusivo door di politica y accionnan cu ta promove inclusion, diversidad y equidad.

En conexion cu e celebracion special aki, Scrubble Bubbles Foundation Aruba, hunto cu su partnernan, a organisa un tayer exclusivo cu a brinda e experiencia practico den restauracion di coral.

Durante e tayer aki e participantenan a siña no solamente tocante e ciencia tras di restauracion di coral y kico ta e importancia pa e rifnan, pero tambe tocante e futuro iniciativa nan cu e fundacion ta lansando pa sigui proteha e ecosistema marino di Aruba.

Pa varios aña caba Scrubble Bubbles Foundation a mira e necesidad urgente pa salvaguardia e ecosistema marino, specialmente e rifnan di coral cu tin un beneficio enorme no solamente pa henter su ecosistema, pero tambe pa hende.

Cu un cantidad di rif di coral cu ta fayece pa diferente motibo, Scrubble Bubbles

Foundation ta un di e organizacionnan cu ta traha riba e restauracion di coral y con pa haci posibel cu esakinan por crece back di e forma mas saludabel posibel.



Debi na e deterioracion di salud di coral den lama, tin un esfuerso global pa aumenta conservacion y restauracion di rifnan di coral. Scrubble Bubbles ta usa tecnicnan di restauracion di coral cu ta ser implementa na Boneiro, Bahamas y rond di mundo pa stimula reproduccion asexual den coralnan cu ta crece den forma di rama.

Durante e tayer e participantenan tabatin e oportunidad pa traha cu coral y realiza un proceso di fragmentacion di coral. E proceso di fragmentacion ta esencialmente ora cu ta kibra parti di un coral cu ta saludabel, ya ta corta e esaki den pidanan mas chikito, fragmentonan, cu despues lo crece den colonianan independiente di coralnan saludabel.

E meta di e tayer ta pa informa y educa tocante restauracion di coral, e salud di coral y con por preveni e deterioro di e rifnan di coral. Cu e tayernan aki tambe e fundacion kier brinda e oportunidad na un y tur, sin cu mester bay den ocean, forma parti di e e iniciativa di restauracion di coral.

Adicionalmente e fundacion, hunto cu su partnernan, ta trahando pa habri e prome laboratorio riba tera caminda restauracion di coral lo tuma luga pa brinda e oportunidad aki na mas persona pa por forma parti di e experiencia unico di restaura coral.

Bo kier siña mas di restauracion di coral y importancia di esaki pa nos medio ambiente? Lesa mas informacion den nos siguiente edicion di Bon Dia Aruba.





**LOTTO 5** Cuminsando cu 4 florin, bo por gana e suma grandi aki

Afl. **100.000,-**

Obtenibel na cualkier rebendado di Lotto. sorteo ta awe nochi 7:45 pm

HUNGA AWO

f X Instagram YouTube

## DOW ta ofrece contesta riba algun pregunta tocante desmantelacion riba Prof. Lorentzstraat

Manera a ser reporta caba den e ultimo simannan cu a pasa, DOW a anuncia un ciere di Prof. Lorentzstraat en conexon cu un proceso di desmantelacion di un bijbouw cu a presenta un menasa pa bisiñanan. Dialuna Bon Dia Aruba a trece algun punto di preocupacion dilanti, pa cual DOW a ofrece contesta.

Pa loke ta encera e sucedido, e hogar riba Prof. Lorentzstraat a gara atencion di DOW despues cu a reporta cu e di dos piso tabata kenter,

lagando bisiñanan preocupa cu esaki lo cay riba nan hogar, como tambe esun di e doño mes. Vocero pa DOW a confirma cerca Bon Dia Aruba cu esaki en berdad tabata encera un parti riba e parcela cu a ser construi ilegalmente, y cu a bin den remarca pa desmantelacion ora a ripara cu esaki a cuminsa kenter, estimulando DOW pa tuma accion pa asina preveni un incidente lamentable.

Ora a puntra e vocero tocante reportahenan cu a menciona cu e proceso aki lo trece un costo di 30 mil florin, e entidad no por a divulga e suma

di e costo di desmantelacion, pero si a menciona cu e doño di cas lo por haci un areglo di pago pa cubri e operacion aki. Pues esaki ta confirma cu en berdad e doño mes lo mester cubri e costo cu e desmantelacion a trece. Tambe a menciona cu e doño di cas ainda ta kedando na su cas a pesar di e proceso, y cu e peliger ta consisti di e parti pafor di su cas.

Ademas a afirma cu e desmantelacion ta sucede durante orario di trabao, pues ora ningun hende ta na cas, pa asina preveni daño na e residente.



## Prome minister ta adverti riba scam cu ta circula riba rednan social

*“Gobierno di Aruba no tin nada di haber cu e acto delincuente aki”*

Den e ultimo dianan aki, por a tuma nota di un scam fraudulento cu ta circula riba varios plataforma di rednan social afirmando cu residentenan di Aruba por ricibi un suma grandi di placa a traves di un programa di inversion cu ta liga na un entidad cu e nomber “PrimeAurora”. Esaki ta totalmente falso y autoridanan di Aruba hunto cu expertonan cibernetico ya ta investigando e acto

fraudulento aki.

Ta trata di un scam sofisticada crea pa delincuenternan pa gaña y causa daño na uzadonan inocente di rednan social. Cualkier persona cu ta compromete nan mes riba e oferta fraudulento aki, ta na riesgo di perde nan placa. Prome Minister Evelyn Wever-Croes ta enfatisa cu Gobierno di Aruba no tin nada di haber cu e acto delincuente aki y tampoco esaki no tin ningun sosten legal pa niun



instituto financiero di nos pais.

E mensahe cu ta circula ta sugeri cu si un persona inverti un suma di placa di AWG.200,-, e por ricibi pagonan regular y pa bida di devolucionnan di impuesto di un suma di AWG.6.500,-. Esaki, Prome Minister a expresa, ta un trampa cu ta propaganda placa facil y ta conoci cu tin usarionan di rednan social ya a cay den dje.

Prome Minister ta urgi cada ciudadano pa keda vigilante y no cay den e trampa di niun oferta financiero sospechoso of di plataformanan online cu ta haci ofertanan y promesa con pa haya placa facil. Con-

seho ta keda pa cada usuario di mrednan social, raporta cualkier oferta dudoso.

E fuente di algun scam ta bin for di e plataforma di noticia local Aruba Today pero e nomber di e website no ta corespondiente na e plataforma di Aruba Today. Esaki ta un detaye cu usarionan di internet mester tene cuenta cune pa saca afo e autenticidad di informacionnan.

Proteha bo mes y bo famia y amistadnan. Ta importante pa sigui desaroyonan financiero via canalnan corecto entre otro, via autoridanan concerni, via nos plantanan di television local, via radionan local confiabel, via website

di Gobierno, via paginan social di Gobierno, y via corantnan confiabel.

Ora cu ripara un link, y ta duda, no click riba dje; raporta e link na e plataforma relevante; si bo ta duda, puntra un famia of amigo; educa bo amigo y famianan tocante e peligranan di estafa via internet, specialmente; comprende e mensahe, si e oferta ta zona irrealistico y no a bin di un fuente confiabel, cu ta haci promesanan pa haya placa facil sin gana of traha p’e, hopi sigur ta pasobra e ta falso.

Prome Minister:

“Mi ta pidi tur ciudadano pa ta alerta y no click riba e link di e scam aki ni comparti e link cu otro hende. E link ta diseña pa saca informacion personal, data financiero y otro detayenan sensitivo cu ta pone bo na riesgo. Estafadonan generalmente ta uza mensahenan atractivo pa gaña nan victimanan, pero nos mester keda alerta y no cay den nan trampa”.



STATEN VAN ARUBA

OPENBARE VERGADERING OP 18 FEBRUARI 2025 OM 14:00 UUR V.M. IN DE VERGADERZAAL VAN DE STATEN VAN ARUBA

TE BEHANDELEN ONDERWERP

Agenda:

Presentatie door Algemene Rekenkamer van het Rapport 'Onderzoek Jaarrekening Land Aruba 2019'

De Griffier,

mr.drs. Herman Ch. J. Hek



# Kico pa sa tocante e propuestanan na Merca pa prohibi pildo di abortus y castiga hende muhe cu ta busca e procedura aki



**(AP)—Legisladornan den algun estado unda abortus ya caba ta prohibi ta buscando pa prohibi pildonan di abortus of tuma un medida cu mayoria grupo antiabortus ta opone: castiga hende muhe cu ta buscando pa termina nan embarazo.**

Ta demasiado trempan den algun sesion legislativo pa sa si e medida lo haya consideracion serio. Pero esaki ta muestra cu e debate di politica ta sigui evoluciona despues cu e Corte Supremo a dicidi na 2022 pa anula e ley di Roe v. Wade y habri porta pa estadonan implementa un prohibicion riba abortus.

Aki ta sigui un bista di unda cosnan ta para:

Algun legislador ta enfocando riba pildonan mas uso pa abortus

Legisladornan den varios estado a introduci medidanan pa clasifica e droganan mifepristone y misoprostol—cual ta ser usa hunto den mayoria procedura di abortus na Merca—como substancianan peligroso controla, asina criminalisando posesion di esakinan sin prescripcion.

E estado di Louisiana a bira e prome pa adopta un ley asina aña pasa, apesar di e preocupacionnan for di dokternan cu a argumenta cu e restriccionnan lo haci'e mas dificil pa nan haya acceso na e droganan pa por conduci proceduranan di salbabida.

E medida a ser introduci den e estadonan unda Republicanonan ta controla e gobierno y unda tin prohibicion riba abortus den tur etapa di embarazo, cu algun excepcion. E legislacion a muri of ta parce cu no tin probabilidad mas pa avansa na Indiana y Mississippi.

Den otro estadonan—incluyendo Idaho, Oklahoma, Tennessee y Texas—ta demasiado trempan pa sa si e legislacion tin un chance pa pasa ainda. Na Oklahoma,

gobernador Kevin Stitt, un oponente firme di abortus, a priminti pa firma cualkier medida antiabortus cu ta cay riba su lessenaar.

Y un erudito cu ta sigui politica di abortus a bisa cu e legislacionnan por afecta e debate hasta si nan no haya momentum. “Mas frecuente nan ser introduci, mas normalisa e legislacionnan y conceptonan aki lo ta,” segun Laura Hermer, un profesional na Mitchell Hamline School of Law na St. Paul, Minnesota.

E bringamento pa pildo ta aumentando hasta sin leynan adicional di estado. Autoridadnan den dos estado cu leynan estricto riba abortus a persigui un dokter di New York pa supuestamente manda pildonan di abortus pa pashentnan den e dos estadonan.

Luna pasa, un gran hurado di Louisiana a acusa Dr. Maggie Carpenter riba cargonan di abortus criminal por medio di suministra droganan cu ta induci abortus, cual ta un delito federal. Procurador General di Texas, Ken Paxton, a demanda Carpenter den corte civil bao circunstancianan similar.

E accion legal aki ta establece un test di leynan den algun estado Democratico, incluyendo New York, cu ta busca pa proteha proveedornan di cuidio medico cu ta usa comunicacion digital—yama telehealth—pa prescribi y post pildonan di abortus pa pashentnan den estadonan den cual esaki ta prohibi. Oficialnan di New York ta bisa cu nan no lo extradita e dokter pa Louisiana.

Desde e acusacion di Carpenter, gobernador di New York, Kathy Hochul, a firma un ley cu t permiti dokternan pa no skirbi nan nomber riba prescripcionnan pa pildo di abortus pa asina proteha nan mas. Un legislacion similar a ser introduci na Maine.

E Procurador General di Ida-

ho, Kansas y Missouri tambe ta demandando den corte federal pa anula aprobacionnan federal pa mifepristone y prohibi prescripcionnan pa esaki via telehealth.

Algun defensor ta haciendo yamado riba presidente Donald Trump pa enforsa un ley di 1873 pa prohibi mandamento di medicamento of instrumentonan usa den e procedura di abortus via post, pero e no a haci esaki. Mientras cu criticonan ta bisa cu e droganan no ta safe, algun gruponan medico no ta di acuerdo. E grupo a cita un estudio mustrand cu eventonan desbentahoso manera infeccionnan severo y perdida excesivo di sanger ta sucede den menos cu 0.32% di pashent tumando mifepristone pa un abortus medico. Organi-

sacionnan medico ta bisa cu e seguridad di mifepristone ta comparable cu pildonan di ibuprofen cu por haya na botica pa cumpra.

Tin intencionan pa castiga hende muher, aunke esaki no sa haya hopi atencion. Legislacionnan den varios estado lo habri e porta pa cargonan criminal contra hende muher cu ta busca pa obtene un abortus riba cargonan incluyendo asesinato. Esey ta un stap cu te ainda ningun estado a tuma, y cual gruponan antiabortus manera e Susan B. Anthony Pro-Life America y e National Right to Life Committee a opone.

Asina mes, legislacionnan manera esaki a ser introduci na Idaho y Indiana, unda nan no tin probabilidad di avansa,

y Oklahoma, North Dakota y South Carolina, unda tur ainda ta den e prome etapanan di e proceso legislativo.

Senador estatal di South Carolina, Richard Cash, e patrocinador di un legislacion introduci siman pasa cu ta permiti e castigo di hende muher cu ta obtene abortus, a bisa cu e ta consciente cu gruponan nacional ta opone e aspecto ey di e legislacion. Pero e no ta di acuerdo.

“E legislacion no ta isola hende muher di ningun manera,” el a bisa den un entrevista. “E legislacion ta simplemente reconoce cu si e mucha den bariga ta un ser humano, cualkier hende involvi den e asesinato di e ser humano ey lo mester ser hiba pa husticia.”

**LUNA DI LOCURA!**

**CUMpra 2 LOTTO 5 Y HAYA 1 LOTTO 5 LOCO GRATIS**

**CON PA HUNGA?**

CU CADA COMPRA DI 2 LOTTO 5 RIBA E MESUN TICKET, BO TA RICIBI 1 LOTTO 5 LOCO EXTRA COMPLETAMENTE GRATIS. Ariba E MESUN TICKET. MAS BO CUMpra, MAS TICKET LOCO GRATIS BO LO RICIBI!

CAMPAÑA TA VALIDO TE CU 28 DI FEBRUARI



## Hulanda ta bebiendo menos cerbes

(Nu.nl) – Si ta debi na e cambio di tempo, of e impuesto y accijns, Hulandesnan ta lagando nan cerbes para mas frecuente. Aña pasa, e total di benta a baha cu 3,4 porciento, cu 11,2 miyon hectoliter.

Ningun tipo di cerbes of canal di benta a scapa e bahaemento den benta. Por ehempel, den horeca 1,1 porciento menos cerbes a ser sirbi y 4,3 porciento menos cerbes a ser cumpra na supermercado.



Segun Nederlandse Brouwers, unda tur e nombenan grandi manera Heineken, ABInbev y Grolsch ta afilia, e bahada mas grandi di benta di cerbes tabata na e promemitar di 2024. “Despues di e aumento di impuesto y ac-

cijns, cu sigur tabata tin un influencia.”

Durante e aña, e situacion a mehora un poco. “E horeca ainda ta haciendo bon,” segun e brouwers.

Pils ta sigui ta e cerbes mas consumi, cu 8,7 miyon hectoliter of un porcentahe di 78,2. E añanan anterior, a wak un otro movicion similar. E benta di cerbes sin alcohol a baha. E benta di e segmento aki a baha cu 2,7 porciento.

## Prinses Ariane tin problema cu su bista door di mira pantaya



(Nu.nl) – Prinses Ariane tin dificultad cu su bista. Su problema di wowo ta un consecuencia di e tempo cu e ta pasa ta mira pantaya, segun su mama, reina Maxima, a splica

diamars durante un conferencia Kliks & Kwesties: Jong en Online na Amsterdam.

Na e conferencia, e tempo cu mucha y hoben ta pasa online tabata e tema central. Reina

Maxima a tene un combersacion cu hoben, científico, gobernante, y experto ariba ambiente digital.

Un poco despues cu un mucha muher a papia tocante su uso di rednan social, e reina a conta tocante e problema di bista di su yiu mas chikito. Maxima a bisa cu esaki “ta relaciona na e tempo cu ta ser usa ta mira pantaya”. Debi na e problemanan di bista di Ariane, na cas real a papia tocante uso di aparato mobil.

E yiu mas chikito di Maxima y rey Willem-Alexander no ta biba na cas awor. Durante berano pasa, el a cuminsa su educacion na United World College Adriatic den e ciudad Italiano, Triest.

## Polis di Bonaire ta haya refuerso temporal di coleganan Hulandes



(Bonaire.nu) – Diasabra pasa, dies empleado di Polis Hulandes a yega na Boneiro pa reforsa e cuerpo policial di Boneiro.

Dialuna, e empleadonan temporal a cuminsa trabou. E ekipo ta consisti di shete empleado pa e departamento di Basis Politiezorg (BPZ) y tres empleado pa e departamento di Opsporing. Nan lo duna sosten na e cuerpo policial di Hulandes Caribe durante un periodo di seis pa shete luna, despues nan lo ta reemplasa pa empleado nobo.

Den e mesun periodo, cuatro colega di e Koninklijke Marechaussee (KMar) tambe lo duna asistencia na e Korps Politie Caribisch Nederland (KPCN).

Falta di personal  
E KPCN a keha pa algun tempo caba tocante e falta di empleado, specialmente durante un periodo unda e isla ta sufriendo di un aumento di violencia cu arma di candela. Cu e refuerso temporal, nan ta spera cu lo tuma menos tempo pa tuma control ariba situacion.

## Trafico y contrabanda di hende den Hulandes Caribe ta sigui preocupante



(Bonaire.nu) – E lucha contra trafico y contrabanda di hende na Boneiro ta keda un desafio, segun e Criminaliteitsbeeldanalyse di Hulandes Caribe 2020-2023 cu a ser presenta recientemente pa e Korps Politie Caribisch Nederlands (KPCN). E rapport ta indica cu tin un falta di claridad ariba e tamaño di e problema aki y cu no tin suficiente capacidad den e servicionan di gobierno pa tuma accion efectivo.

Trafico di hende na Boneiro ta mas visibel den explotacion di trabou y explotacion sexual, caminda mayoria di victima ta bin di Venezuela, Colombia y Republica Dominicana. Señalan di explotacion ta ser observa den construccion, salon di beyesa y supermercado. Ademas, e rapport ta muestra cu prostitucion ilegal ta un problema

scondi, cu trahadornan sexual ta bay ariba rednan y medianan social pa busca cliente.

Delito migratorio ta hunga un rol importante, cu señalnan cu Boneiro ta un destinacion pa migracion ilegal pa trabou, hopi biaha organisa pa migrantenan cu ya caba ta na Boneiro. Tin indicacion cu Venezolanonan cu paspoort Colombiano ta pidi permiso di estadia pa trabou ariba e isla. Ademas, tin informacion di migrantenan Chines cu tin un rol clave den explotacion di trabou pa medio di empresa falso y permiso di trabou fraudulento.

Segun e rapport, e combate di e problema aki ta mas dificil pa motibo di falta di capacidad policial y falta di señalizacion. Aunke, na 2023, KPCN a inverti mas na investigacion ariba trafico di hende, identificacion di victimanan y culpabel ta sigui ta

## Te cu maart scolnan ta haya Caribisch Denkboek gratis

(Curacao.nu) – Maestronan den parti Caribe di e Reino Hulandes por pidi e Caribisch Denkboek pa siña estudiante tocante nan historia local durante e Segundo Guerra Mundial y e importancia di recorda y celebra.

E material didactico gratis aki a ser desaroya especificamente pa 5e y 6e klas di scol basico, pero tambe ta apropiada pa promer y segundo klas secundario.

E Caribisch Denkboek ta disponibel na Hulandes, Ingles, Papiamentu y Papiamentu y ta contene ilustracionnan, tareanan y storianan tocante e historia durante guerra di e islanan. E buki ta pone enfasis ariba e rol di e industria di petroleo durante guerra y e peliger cu e islanan a enfrente. Submarino Aleman a ataca bapor



cu tabata transporta petroleo, cu a resulta den aproximadamente 160 persona cu a fayece, mayoria tabata personal di e bapor di petroleo. Na 4 di mei, e victimanan aki ta ser recorda ariba tur isla. Den e aña escolar 2023-2024, mas cu ocho mil estudiante a ricibi e Denkboek. Scolnan por pidi e material didactico pa e siguiente aña escolar te cu 10 di maart 2025. E buki

lo ser entrega gratis durante e luna di maart. Apart di e buki fisico, tin cinco les digital, video cu testimonio di testigonan y un video cu instruccion disponibel. E Denkboek no ta solamente yuda estudiante comprende e historia di e Segundo Guerra Mundial den Caribe, pero e tambe ta stimula studiantenan pa pensa ariba libertad, recorda y democracia.



## Corsou: Wit Gele Kruis cu problema pa escasez financiero

(CuraçaoChronicle) – **Fundacion Wit Gele Kruis (WGK) a ricibi cuatro bus nobo y ta spera ricibi cinco vehiculo mas e aña aki. Sinembargo, director Lionel Sint Jacobs a indica cu e organizacion a mira un aumento significativo den e cantidad di biahe durante ultimo cinco aña, resultando den un escasez financiero mayor.**

Segun Sint Jacobs, WGK tin un contract cu banco di seguro social SvB desde 2019, cubriendo hasta 3,200 biahe one-way pa luna. Sinembargo, na 2024, e fundacion ta bin transportando un averahe

di 4,100 pashent pa luna, un aumento di 30% riba e suma presupuesta. E demanda no premira aki a resulta den un perdida mensual di aproximadamente 30mil florin.

WGK actualmente ta wardando un propuesta di SvB pa presupuesto 2025, cual ta spera di ahusta e cantidad di trip cu ta cubri. Adicionalmente, e autoridad di cuido di salud ta bay conduci un revision di e estructura di tarifa na 2025 pa evalua e cambionan necesario.

E situacion financiero na WGK ta biniendo cada bes bao mas presion. Na 2022,



e fundacion tabatin un reserva di 4 miyon florin, pero despues di un perdida di 300mil florin na 2023, e reserva a cay na 3.7 miyon. Pa 2024, ta proyecta un deficit di 700mil florin, bahando e reserva na 3 miyon florin pa fin di aña.

Gastonan operacional di WGK ta alcanza 1.4 miyon florin, ekivalente na 90% di e gastonan alocu pa personal. Sostenibilidad financiero ta rekeri pa mantene un reserva ekivalente na dos pa tres luna

di costo operacional.

WGK ta ricibi un entrada anual di 16 miyon florin, cu 81 por ciento (13 miyon florin) biniendo for di SvB bao di e Seguro Social Basico (BVZ), Transporte y Seguro General pa programanan di Gasto Medico Special (AVBZ).

Adicionalmente, WGK ta ricibi 2.2 miyon florin for di ministerio di Desaroyo Social, Labor y Bienes (SOAW) pa asistencia familiar y cuido di anciano; 700mil florin di

Ministerio di Salud, Medio Ambiente y Naturalesa (GMN) pa servicio di consulta.

Mientras subsidio ta bay aumenta cu 6 por ciento na 2025, treciendo un 132mil florin adicional for di SOAW y 40mil florin for di GMN, e contribucion di AVBZ ta programa pa reduci cu 500mil florin anualmente pa motibo di un reduccion di pashent di AVBZ.

WGK ta enfatisa e importancia di reservanan financiero pa sigura continuidad di e organizacion. E fundacion tin speranza cu e revision di autoridad di cuido di salud ta bay resulta den un solucion structural pa ahuste di tarifa. Sin e cambionan necesario, e retonan financiero actual lo por pone den peliger e operacionnan futuro di WGK.

## Hulanda: Polis ta aresta cinco ciudadano vincula na gang di secuestro



(NLTimes) – **Polis Hulandes a aresta cinco sospechoso en conexion cu e secuestro violento di un homber di 21 aña na Amsterdam october ultimo. Autoridadnan ta kere cu e grupo ta vincula na varios secuestro y crimen violento na e ciudad.**

Agentenan a detene cinco homber, tur residente di Amsterdam, entre 18 y 23 aña di edad. E arestonan a tuma lugar den e oranan trempan di dia 3 di februari, 2025. A haci inval na siete sitio – seis na Amsterdam y uno na Almere.

E secuestro a tuma lugar riba e anochi di dia 1 di october 2024 na Amsterdam-Oost. Segun polis, tres homber a forsa e victima drenta un van blanco, usando violencia extremo, polis a reporta.

Varios testigo inmediatamente a yama servicio di emergencia. Despues riba e mesun anochi, agentenan a haya e victima den un parti diferente di e ciudad. E tabata malamente bati.

Investigadornan a trace e crimen na un grupo sospecha di checuta secuestro bao contract. Autoridadnan ta kere cu algun miembro tambe tabata involucra den un caso anterior unda a tortura otro victima prome cu a liber'e cerca di su cas. Polis no a revela mas detaye riba e incidente en cuestion.

Durante e inval, polis a confisca varios articulo, incluyendo tres arma di candela, un arma falso, un stun gun, explosivo, un vehiculo, diesmiles di euro cash, y paña di marca caro. Investigadornan tambe a confisca aparatonan pa warda data, cu por analisa pa mas evidencia.

Autoridadnan ta kere cu e sospechosonan por ta conecta na crimennan violento adicional. Un sospechoso a keda libera despues di interrogacion, pero e otro cuatro a presenta dilanti e magistrado y ta keda den custodia. Corte a duna orden pa nan keda detenido pa al menos 14 dia mas mientras e investigacion ta continua.



### VACATURE MELDING

Instituto Medico San Nicolas (ImSan) heeft als doelstelling het aanbieden en bevorderen van optimale medische zorg van klinische, poliklinische en ambulante aard en de toegankelijkheid daarvan voor alle burgers.

ImSan is op zoek naar een ervaren collega Directie - Secretaresse voor haar Directie afdeling op full-time basis. De Directie - Secretaresse heeft een ondersteunende rol binnen een organisatie, met als hoofddoel het assisteren van de directie in administratieve en organisatorische taken.

- Agenda- en tijdsbeheer:** Het plannen en coördineren van afspraken en vergaderingen voor de directie, inclusief het beheren van de agenda en het zorgen voor een efficiënte tijdsindeling.
- Correspondentiebeheer:** Beheren van inkomende en uitgaande communicatie, zoals e-mails, brieven, en telefoongesprekken, en het zorgen voor een vlotte en professionele afhandeling.
- Vergaderingen en verslaglegging:** Het voorbereiden van vergaderingen, het notuleren van gesprekken en het opvolgen van actiepunten. Dit kan ook het opstellen van rapporten of documenten omvatten.
- Documentbeheer:** Het organiseren en bijhouden van belangrijke documenten en bestanden, zowel fysiek als digitaal, en het zorgen voor een efficiënte toegang en archivering.
- Snel schakelen en prioriteren:** Het vermogen om snel in te spelen op veranderende situaties en prioriteiten te stellen, vaak met een hoog tempo van werkdruk.
- Contactpersoon voor interne en externe partijen:** Fungeren als het eerste aanspreekpunt voor zowel interne medewerkers als externe klanten, leveranciers of partners.

In sommige gevallen kunnen aanvullende taken zoals HR-ondersteuning, eventplanning, en strategische ondersteuning voor projecten ook deel uitmaken van de functie. De functie vereist vaak uitstekende organisatorische vaardigheden, communicatieve capaciteiten, en een goed begrip van de zakelijke processen binnen de organisatie.

#### Functie-eisen:

- Je hebt een afgeronde EPI-Unit Economie, opleiding secretariaat (niveau 4) of een vergelijkbare opleiding.
- Je bent representatief en kunt op een correcte en integere manier omgaan met collega's en informatie.
- Je bent administratief sterk en u kunt werken met geautomatiseerde systemen, o.a. Microsoft 365.
- Is in staat om zorgvuldig, zelfstandig en in team verband te werken.
- Kennis van het Nederlands, Engels, Papiamentu en Spaans is gewenst.
- Je bent hulpvaardig, oplettend, proactief en heeft geduld en doorzettingsvermogen.

Gaarne uw verzoeckschrift + C.V. voor 21 februari 2025 te richten aan mevrouw E. Campbell-Duijm, Pastoor Hendrikstraat 10, San Nicolas, Aruba. E-mail: [hr@imsan.aw](mailto:hr@imsan.aw) onder vermelding van "vacature Directie - Secretaresse".

*redefining patient care*



## Deforestacion na Colombia den 2024 na un nivel abou, segun minister

**(Reuters) – Deforestacion na Colombia durante 2024 ta spera di yega un nivel mas halto cu e aña anterior, pero ainda ta pronostica di ta entre e nivelnan mas abou di mas di dos decada, segun minister di Medio Ambiente, Susana Muhamad diadomingo.**

Deforestacion a cay mas cu un tercer pa mas o menos 792 kilometer cuadra den 2023, compara cu mas o menos 1.235 kilometer cuadra na 2022, segun e ministerio di Medio Ambiente.

Aña pasa, Muhamad a bisa varios biaha cu e exito na 2023 no tin probabilidad di ser ripiti, debi na segura y e fracaso den negociacion cu rebeldia disidente, cual gobierno ta acusa di stimula cortamento ilegal, construccion

di caminda y ganaderia.

Muhamad, cu a anuncia su renuncia diadomingo, pero ainda no a ser reemplaza, tabata na cabes di e esfuerzonan pa reduci deforestacion despues di e nivel halto di destruccion den e Amazon y otro ecosistema na Colombia durante e administracion di ex-presidente Iván Duque.

Su renuncia, cu ta bini despues cu presidente Gustavo Petro a nombra un consehero cu a causa hopi polemica, ta “irevocabel,” Muhamad a bisa.

Muhamad a agrega cu ta hopi trempan pa bisa ken lo reemplaza su puesto, pero e ta trahando cu su ekipo pa tin tur cos cla pa su sucesor.

Muhamad, un di e ministernan mas duradero den e



gabinete di Petro, a bisa den un entrevista cu e ta mas cu orguyoso di su trabou ariba deforestacion y e cumbre di biodiversidad di ONU COP16, cu tabata na Colombia fin di aña pasa.

Negociacionnan den e cum-

bre a termina cu un plan pa cobra compania farmaceutico y otro tipo di compania pa nan uso di informacion genetico pa investigacion y desaroyo di producto comercial nobo, pero no a logra un acuerdo ariba con pa mobilisa

\$200 biyon anualmente pa financiancia conservacion pa 2030. Muhamad a bisa cu e ta spera di keda na su puesto te despues cu e negociacionnan di biodiversidad, cu lo tuma lugar mas laat e luna aki na Roma, tuma lugar.

## Hopi Argentino ta sostene Milei ariba economia, pero su guerra contra diversidad ta causa mas division

**(Reuters) – Carlos Kam-bourian, un pediatra Argentino cu ta gay, tabata un sostenedor di e reformanan economico libertario di Presidente Javier Milei. Pero esaki a cambia despues cu e lider derechista extremo a asocia homosexualidad cu abuso sexual den un discurso di-aluna pasa.**

Milei, un economista cu a gana un eleccion pa sorpresa na 2023, a haya hopi sosten di otro economista y inversionista pa su medidanan stricto cu a yuda cambia un deficit fiscal profundo, a reactiva mercado y alivia inflacion.

Pero su bista social conservador fuerte ta crea division den un pais cu a habri caminda pa reformanan liberal den e region. E ta anti-feminista, contra aborto y a opone contra e “agenda woke”.

Den un discurso na Davos, el a menciona un storia di un parcha homosexual na Merca cu a ser condena pa abuso sexual di nan yiunan adopta, bisando cu “den su version mas extremo, e ideologia di genero ta trece abuso di mucha. Nan ta pedofiel”.

E comentarionan di Milei a lansa un reaccion fuerte den Argentina, unda miles di hende a sali ta marcha contra dje e luna aki. Encuestanan ta muestra cu hopi Argentinero



ta contra su bistanan social, aunke cu nan ta dun’e merito pa stabilisa e economia di e pais.

“Mi no por sostene un persona cu ta bisa mi cu mi ta un pedofiel solamente pasobra mi a namora di un homber. Mi no por tolera esaki,” Kam-bourian a bisa, despues di a asisti un marcha di protesta contra Milei dia 1 di februari.

Gobierno ta imponiendo un ley nobo di “igualdad dilanti di ley”, cu ta spera di yega Parlamento otro luna, cu ta kita “femicidio” – asesinato agrava unda e victima ta muher – for di e codigo penal y elimina identidad no-binari-

o for di documentonan.

Milei, un aliado cerca di e ideologico di presidente di Merca, Donald Trump, ta bisa cu e ta na fabor di libertad y igualdad, y cu ley nan specifico pa genero no ta cumpli cu esey. E oficina di e presidente no kier a duna mas comentario.

Pero den un entrevista recien, su minister di siguridad, Patricia Bullrich, a bisa Reuters cu e comentarionan di e presidente a ser malinterpreta.

“Pa nos gobierno y pa e presidente, bida priva di hende ta un decision personal, tur hende por tin e preferencia sexual di nan gusto” el a bisa. “E presidente no a bisa cu e ta

contra homosexual.”

Protesta despues di comentario

Na comienso di e luna aki, miles di Argentinero a subicaya di Buenos Aires y otro lugarnan den un protesta “anti-fascista” contra Milei, un marcha cu a atrae estudiante, sindicatonan, politiconan di oposicion, y tambe grupo LGBTQ+.

Argentina a fortalece proteccion contra violencia di genero, aproba un ley di matrimonio igualitario, un ley di identidad di genero y facilita abortus den e ultimo añanan. Milei, mientras tanto, a cera diferente entidad pa corta

gasto, incluyendo e Ministerio di Muher, Genero y Diversidad y e Instituto Nacional contra Discriminacion, Xenofobia y Racismo (INADI).

María Rachid, presidente di e Federacion LGBT di Argentina y directora di e Instituto contra Discriminacion den Defensoria di Buenos Aires, a bisa cu e discurso di Milei por crea actonan di violencia. “Desde e campaña di Milei, hasta prome cu e la dreña oficina, nos a registra hopi violencia, discriminacion y odio contra nos comunidad,” el a bisa. “Sigur, e casonan aki tabata existi prome caba. Awor nan ta pasa mas frecuentemente.”

Gobierno ta bisa cu e cantidad di femicidio na Argentina a baha cu 10% aña pasa den un esfuerzo mas grandi contra criminalidad. Grupo di muher ta contesta e afirmacion, bisando cu nan mes a registra un aumento den femicidionan.

Ariba caya, hopi hende ta bisa cu e gobierno di Milei mester enfoca mas ariba economia y pobresa, en bes di kita derechonan cu a ser gana no mucho tempo pasa.

“E gobierno aki a logra cosnan positivo ariba e nivel di macro-economia, pero ora mi pensa ariba asunto social, nos ta bayendo atras,” Alberto Nigro, di 65 aña, a bisa.



## Guyana ta tuma posicion proactivo contra e asunto di droga sintetico

(SundayObserver) - E Unidad Anti-Narcotico di Duana (CANU) ta bisa cu e ta adoptando medidanan proactivo pa combati e droga sintetico emergente, 'Strawberry Quick' prome cu e bira generalisa na Guyana.



zonido 'popping'.

E droga ta un variante di metanfetamina cu ta peligrosamente disfraza como e version di mucha Pop Rocks. E ta imita su apariencia, holo y

"Pues en bes di warda te ora esaki bira un problema, nos ta kere den conscientisacion... Nos kier haci sigur cu nos ta

sensibilisa hende y conscientisa nan. Sea ta na scolnan, na clubnan of cualkier reunion, si bo mir'e, raport'e," e hefe di CANU, James Singh, a bisa.

El a bisa cu e instancia ta desaroyando implementacion di plannan pa conscientisa gruponan vulnerabel y stroba e distribucion di e remedi.

Singh a bisa cu mientras cu informenan di droga na scolnan ta existi, CANU no

a haya ningun evidencia pa sostene e declaracionnan aki, pero a confirma cu cantidadnan chikito a ser haya den clubnan y otro encuentronan social.

Describi como "koffie den forma di tablet," e droga sumamente adictivo ta duna usuarianan un ola di energia y un sentimiento euforico. Sinembargo, e ta carga riesgonan severo incluyendo psicosis, kibramento di musculo,

atake y hemoragia cerebral.

CANU su investigacionnan a revela cu e droga ta ser treci for di Europa a traves di e transito di trafico di droga asocia cu marihuana y cocaína di calidad halto. Guyana su localidad geografico como un 'intermediario' entre proveedornan di remedi y consumidornan ta pone e pais na riesgo di tin suministronan di rastro cu ta keda for di transporte di remedi.

## Haiti: Viuda di Moïse ta pidi Trump pa declassifica documentonan riba e asesinato di e presidente Haitiano

(DiarioLibre) - E viuda di e presidente di Haiti asesina Jovenel Moïse, Martine Moïse, a haci un yamada na presidente di Merca Donald Trump pa desclasifica documentonan na Merca tocante e asesinato di su casa na juli 2021.

Den un publicacion riba e plataforma di medianan social X, compañía pa un potret di e parehanan Moïse y Trump hunto, Martine Moïse ta skirbi: "Por favor desclasifica tur documento di FBI (Oficina Federal di Investigacion) y Departamento di Estado relaciona cu e asesinato di mi casa."

E viuda ta recorda cu Jovenel Moïse a asumi e presidencia di Haiti dia 7 di feb-

ruari 2017 despues di a gana e eleccionnan y ta señala cu "el a emprende reformanan economico profundo pa stop biyones di dollar di corrupcion enbolsa pa e oligarcanan. Mescos cu abo (refiriendo na Trump), e tabata e tema di un campaña coordina pa su reformanan ambicioso, manera bo tambe, e tabata e blanco di intentonan di asesinato."

"Contrario na abo, e intentonan ey tabata exitoso y el a ser asesina dia 7 di juli 2021. E dia ey mi a ser tira varios biha y laga pa morto, mientras cu mi yiunan a tuma refugio den un otro camber. Desde e tempo ey, mi tabata e obhetivo di tres intento di asesinato," el a agrega.

Jovenel Moïse a ser tortura



y asesina den oranan di marduga di 7 di juli 2021, na su residencia priva den e sector di Pétiyon-ville di e capital pa un grupo di mercenario, 17 di nan Colombiano.

E hombernan a keda acusa di multiple crimen, incluyendo asesinato, intento di golpi di estado y participacion den un

organizacion criminal, den un caso cu a conoce un cantidad di detencion y ta e tema di un investigacion internacional compleho.

Desde e asesinato di Moïse, e crisis socio-politico y economico di Haiti a deteriora mas ainda, cu gangnan arma cu awor ta controla partinan

di e teritorio, particularmente alrededor di 85% di e area metropolitano di Port-au-Prince.

Di acuerdo cu datonan verifica pa ONU, por lo menos 5,626 persona a muri na Haiti na 2024 como resultado di e accionnan di gangnan criminal (mil mas compara cu e año anterior), 2,213 a keda herida y 1,494 a keda secuestra.

Memey di januari, e Organizacion Internacional pa Migracion (IOM) a informa cu e cantidad di hende desplasa na Haiti a triplica den apenas un año y a surpasa un miyon hende, di cual mas cu mita ta mucha.

## Jamaica: National Education Trust ta celebra 15 año den sector di educacion

(JamaicaObserver) - E National Education Trust (NET) a marca su di 15 aniversario cu un celebracion distingui cu ta uni stakeholdernan clave, estudiante- y funcionarionan di gobierno pa refleha riba su logronan y delinea su vision pa futuro.

E evento importante a conta cu un marcha simbolico dirigi pa Senador Dr. Dana Morris Dixon, minister di Enseñansa, Habilidadnan, Hubentud y Informacion, Dr. Kasan Troupe, secretario permanente den e ministerio, y Sra. Latoya Harris-Ghartey, director ehecutivo di e National Education Trust. E marcha a culmina den un ceremonia special honrando e herencia di e confiansa y reafirmando su compromiso continuo cu desaroyo educativo nacional.

Estableci na 2010, NET a re-

sulta instrumental den transforma infraestructura educativo, fomenta asociacionnan strategico y promove desaroyo sostenibel dentro di scolnan den henter Jamaica.

Durante e ultimo 15 año, e organizacion a encabesa iniciativas transformativo dirigi riba mehora ambientenan di enseñansa, amplia acceso na educacion di calidad y fortalece compromiso di comunidad.

Den su remarken, Minister Morris Dixon a enfatisa e rol critico cu NET a hunga den forma e sector di enseñansa na Jamaica, elogiando e dedicacion di e organizacion pa stop e buracanan den infraestructura educativo.

"15 año pasa, e National Education Trust a nace for di un vision — un vision cu cada mucha, sin importa unda nan ta nace, mester tin acceso na



educacion di calidad den un ambiente di siñamento moderno y bon ekipa," Minister Morris Dixon a declara. "Awe, mientras nos ta celebra e logro aki, nos ta reconoce cu e trabou ta leu di caba. E paisahe di educacion ta evolucionando, y e retonan nos dilanti — cambio di clima, cambionan tecnologico y e exigencianan di un economia mundial — ta rekeri accion audaz y un buskeda implacabel di excelencia."

"E futuro di Jamaica ta de-

pende di loke nos ta haci awe. E inversionnan cu nos ta haci awor — den educacion STEM (ciencia, tecnologia, ingenieria y matematica), acceso digital, infraestructura di scol, y resiliencia di clima — lo determina e forsa di nos forsa laboral, e competitividad di nos economia, y e oportunidadnan disponibel pa nos yiunan," el a sigui bisa.

Mientras tanto, Harris-Ghartey tambe a expresa orguyo den e trayecto di e or-

ganizacion y su impacto di gran alcance.

"Celebra 15 año no ta solamente pa reconoce nos logronan di pasado pero tambe pa reafirma nos compromiso cu futuro. Nos a haci pasonan significante den desaroyo di enseñansa, danki na e dedicacion di nos partner- y stakeholdernan. Mi speranza pa e proximo 15 año ta cu nos ta sigui expande nos alcance, impulsa innovacion, y crea un impacto mas grandi ainda riba e paisahe educativo di Jamaica," el a bisa.

E marcha di celebracion a trece hunto estudiante-, educador- y representantenan di gobierno den un compromiso comparti pa avansa enseñansa. E evento a conclui cu un homenahe di curason na contribuyentenan di pasado y presente ken nan dedicacion a resulta instrumental den e exito di NET.



# Bon Dia Aruba ta dedica su prome edicion di Alegria y Fantasia di Carnaval 71 na ‘Chibi’ van der Hans

*Bo por reconoce tur personahe den e portadanan di Bacchanal?*

Alina Mansur, Zizianne Flemming, John Francis Jacobs, Hilyann Croes, Jair Versprey, Jonathan Thiel, Rodrick Franken, Edelysse Nicolaas, Irina Croes ... ken tur bo ta reconoce?

Bon Dia Aruba tin e honor di anuncia cu pa e temporada di Carnaval 71, a cera un bunita colaboracion special cu conocido personahe Friedrich ‘Chibi’ van der Hans, conoci pa su publicacion famoso y hopi gusta, Bacchanal.

Van der Hans a comparti cu Bon Dia Aruba su buki di Carnaval, “LAB\_Volume One, Aruba’s Carnival History with a case study of 2004-2008” pa publicacion den nos corant. Manera semper Van der Hans tabata comparti su revista Bacchanal cu Bon Dia

Aruba, e colaboracion ta continua awo y por comparti cu nos lectornan algun recuerdo bunita y importante di historia di Carnaval cu nos lectornan.


Bon Dia Aruba ta gradici Van der Hans pa e bunita colaboracion.

Pa haya mas informacion por bishita:  
[www.arubabacchanal.com](http://www.arubabacchanal.com).



## Aki e lista:

- 1999 – Mrs. Richardson (Groningen, Hulanda)
- 2000 – Frangeline Riley
- 2001 – Abigail van der Linden
- 2002 – Rachelle Oduber
- 2003 – Melouanne Petrocchi, John Francis Jacobs
- 2004 – Evelina Croes
- 2005 – Zizianne Flemming
- 2006 – Amparo Richardson
- 2007 – Hilyann Croes
- 2008 – Christina Marie Trejo
- 2009 – Jair Vesprey, Raiza Montilla, Rodrick Franken, Jonathan Thiel, Arnaldo Maduro, Carmichael Richardson, Eugene Kemp
- 2010 – Herman Hek, Lisette Tromp, Ryan Maduro, Roberto Brown, Cherryldine Buckley, Titi Tromp, Carlos Tromp, Rodney Kamperveen, Ziazian Goeloe
- 2011 – Alina Mansur
- 2012 – Nico Quant, Mary Simon, Eddy Ras, Martica Arends, Bertha Janga, Sela Goeloe, Tutu Rasmijn
- 2013 – Edelysse Nicolaas
- 2014 – Lisette Chung, Ricky Felix, Kiziah Trimon, Kevin James, Aldrick Croes, Linchie Merryweather, Mena Easmus, Claudius Philips, Swinda Winterdaal, John Fingal, Deninah Martina
- 2015 – Zuriah Flemming
- 2016 – Roxana Effer Rodriguez
- 2017 – Susan Ruiter
- 2018 – Irina Croes
- 2019 – Shakira Hernandez, Fernando Hodge, Roland ‘Chicho’ Kock, Emilenne Boekhoudt, Christopher Vrolijk, Humphrey Obispa, Gloria Ahlip, Chantal Quant, Dana Arends, Margaret Chin, Joshua Bryson



## Conecta cu Amor

**Galaxy A25 5G**

**GRATIS**

**Hybrid Basic:**

- \*Un suma fiho di Afl. 75 pa luna
- \*Data y yamada den un solo plan
- \*Disfruta di Freebies ilimita: Ricibi WhatsApp, Facebook, Instagram tur dia

**SETAR**

\* Oferta ta valido te cu 14 di februari cu contract di Hybrid Basic pa 2 aña.



## Andrew Tate y su ruman homber Tristan acusa na Merca pa trafico di hende

**(Nu.nl) – Un muher Mericano a demanda e rumanan Andrew y Tristan Tate na Merca pa trafico di hende, segun The New York Times. Ta e prome caso na Merca contra e influencernan.**

E muher di 23 aña ta bisa cu el a topa cu Tristan tres aña pasa online. Nan a palabra pa topa na Miami, y despues a surgi un relacion romantico. Ora Tristan a bay Rumania, el a pidi e muher pa bay cune.

E muher Mericano ta bisa cu



el a ser duna motibonan falso pa bay Rumania, unda e ru-

mannan a forsa e muher pa haci trabou di sex. E tambe ta

bisa cu el a ser difama despues cu el a duna un declaracion na autoridadnan Rumano.

E rumannan a demanda e muher Mericano pa difamacion. Nan ta acusa e y un otro victima di complot y fabricacion di prueba contra nan.

Na Rumania y na Inglatera, tin caso legal contra Andrew y Tristan Tate pa acusacionnan di trafico di hende, labamento di placa y delito sexual. E rumannan, cu ta conoci pa nan comentarionan anti-muher, ta nenga tur acusacion contra

nan. E influencernan Britanico-Mericano ta bisa cu nan exito y comentarionan ta haci nan un obhetivo.

Lunas pasa, a sali na cla cu e aresto di e rumannan no a tuma lugar. Esaki no ta nifica cu nan ta biba totalmente liber. E influencernan no por sali for di Rumania debi na nan caso cu ainda ta den proceso. Ademas, nan meser wanta nan mes na algun condicion. Kico e condicionnan ta precies, no a ser publica.

## Cameron Diaz ta experiencia mas seguridad despues di su regreso na Hollywood

**(Nu.nl) – Cameron Diaz a topa cu “diferente nivel di comportacion inapropia” durante su carera di actriz. E actriz a laga sa den un podcast di Netflix ‘Skip Intro’ cu danki na e movecion di ‘MeToo’, awor e ta experiencia mas “seguridad”.**

Diaz a regresa na Hollywood despues di un pausa di 10 aña. E actriz, cu awor ta presenta den e pelicula di Netflix Back in Action, ta experiencia mas siguridad cu antes den su carera. “E industria

ta diferente. E movecion di ‘MeToo’ a cambia tur cos. Bo ta sinti esaki. Bo ta cana ariba e set di un pelicula y e ta diferente.”

E actriz ta bisa cu antes tabata tin “diferente nivel di inapropia”, cu e mes y otro muhernan tabata “mester di soporta”. Diaz tabata tin diferente momento unda e tabata meser ta “stricto” den su carera y pone limitenan.

Segun e actriz di Charlie’s Angels, no ta solamente hende cu posicion halto tabata

monstra comportacion cu ta pasa limite. “Semper tabata tin algun persona na set di un pelicula cu bo tabata pensa: ay Dios, at’e ta bin atrobe,” Diaz ta conta.

Awor den Hollywood ta diferente. E actriz, cu a cuminsa su carera na 1994 cu su rol den The Mask, a tene un combersacion cu un persona di recurso humano (HR) prome cu su ultimo pelicula. Durante e combersacion, nan a papia tocante “kico ta conta como comportacion inapropia y apropiada”. Tambe,



e actriz a haya un number di telefon di Netflix caminda problemanan durante filma-

cion por ser declara na forma anonimo. “Mi a pensa: wauw, esaki ta fantastico.”

## Musical cu tema di Dolly Parton a ser para pa motibo di “abuso homofobico”

**(BBC) – Un musical cu tema di Dolly Parton meser a ser para durante un show despues cu abuso homofobico a ser grita na e escenario, segun un actor den e produccion.**

Stevie Webb a bisa cu un incidente na e Opera House na Manchester durante Here You Come Again a resulta den e banda henter “bahando for di escenario, pasobra un muher tabata asina disgusta cu tabata tin un caracter homosexual ariba e escenario”.

Señor Webb, cu a pone e relato ariba e plataforma di red social, TikTok, a bisa cu e incidente di diaranson pasa a ser sigui pa un problema similar ariba diasabra, unda un homber mester a ser saca for di e publico.

ATG Entertainment, cu ta mancha e lugar, a bisa cu nan ta tuma un enfoko di “cero



tolerancia” contra incidentenan di e forma aki. Opera House di Manchester a bisa cu cualkier miembro di publico cu ta involucra den abuso, acoso of bullying lo ser “saca for di e establecimiento inmediatamente”.

Señor Webb, cu ta hunga e rol di un superfan di e super strea di musica country den e show, a bisa cu a topa cu problemanan durante nan presentacion na Londres tambe. El a describi un incidente

unda un homber a grita un insulto ofensivo y a grita cu “mi solamente kier wak Dolly Parton.” Parton pa hopi largo caba ta un aliado di LGBT y otro causa progresivo, y na 2014 a papia na favor di matrimonio

homosexual.

Señor Webb a bisa cu e incidentenan a “realmente habri su wowo”.

“Nos ta den un bubble den e industria aki. Pero pa biaha rond di e pais y mira cuanto hende literalmente no por soporta pa mira un persona gay representa ariba e escenario – ta loco.”

Publicidad pa Here You Come Again a describi e show como e historia di “un fanatico cu ta fantasia cu su version fantastico di e icono internacional Dolly Parton ta yud’e durante un tempo dificil den su bida.”

Opera House ta bisa si cu incidentenan di e forma aki no ta pasa hopi y cu cualkier persona cu comporta nan mes na forma abusivo lo ser saca for di e establecimiento “inmediatamente”.



## Proyecto pa renoba y instala luz LED ultramodero a inicia na veld di S.V. Dakota

Dialuna mainta, Parlamentario Endy Croes hunto cu Parlamentario Hendrik Tevreden a acudi na veld di Dakota pa presencia inicio di e proyecto di renobacion y cambio di luz anticua, esta “halo-geenlampen” pa luz LED ultramoderno.

E proyecto a inicia na luna di juni di año 2024, unda cu a tuma e decision pa cambia pa luz LED ultramoderno cu ta mucho mas eficiente pa e veldnan na Aruba. A traha un plan, unda lo order e luznan den “batch” di cinco veld den conhuntio y a planifica pa haci e prome order durante e di dos mita di año 2024. Un di dos order pa cinco otro veld a wordo planifica desde e tempo ey caba pa tuma luga na inicio di año 2025. Un di tres order lo mester tuma luga



den e di dos mita di año 2025. Durante año 2026, lo mester finalisa e proyecto aki.

En realidad e prome order a tuma luga den luna di october y a yega Aruba fin di december 2024. Mientras, a atende cu e directivanan di e veldnan pa nan por reorganisa nan

training riba e fechanan cu lo baha e postenan. A prepara tur cos pa por inicia cu e bunita proyecto aki.

E trabounan a inicia dialuna ultimo, unda cu a baha e seis postenan di luz di veld di Dakota, cual ta e prome veld cu lo ricibi e atencion. Lo “high



pressure wash” e mastnan, lo aplica un tratamiento di un material “macro proxy” y lo “prime” e mastnan cu un “epoxy primer” pa despues verf nan cu un “ultra paint” (antirust) pa garantiza cu nan lo no frustia pa minimo 10 año.

Tambe, lo instala “bracket” nobo y luz LED ultramoderno, pues un sistema completamente nobo.

E trabou a inicia e siman aki na veld di Dakota y lo continua na veld di Estrella sigui despues cu veld di San Luis, Sportboys y Tanki Leendert.

## Un competencia espectacular di Natacion Artistico na honor di Dia di Betico

E Federacion di Natacion di Aruba a organisa cu exito e prome competencia di Natacion Artistico di e año dia diasabra 8 di februari na Piscina Olimpico Roly Bisslik na Savaneta. E evento emocionante aki a ser dedica na honor di Dia di Betico, celebrando tanto e excelencia atletico como e herencia cultural di Aruba.

E competencia a muestra e talento increible di nos 25 atleta, cu a competi den diferente categoria di edad: Principiante, 10 y bou, 12 y bou, Hubenil, Junior y Senior. Participantenan a demonstra nan habilidadnan tecnico y presentacion artistico den figures, solos, duetos y rutina di grupo, impresionando e audiencia cu nan precision, sincronisacion, creatividad y forsa.


Un total di 17 rutina a ser presenta, y e atletanan a ser evalua pa un grupo di huesnan segun nan habilidad tecnico, flexibilidad, dificultad di rutina, coreografia, expresion facial y sincronisacion. Hopi di e rutinanan aki ta parti di e preparacion pa e Campeonato PanAm Aquatics na Medellín, Colombia, na mei, unda e ekipo di natacion artistico di Aruba lo competi cu orguyo riba e escenario internacional.



Un presentacion special di atleta elite Kyra Hoevertsz. E competencia tambe a inclui un presentacion special di Kyra Hoevertsz, e atleta elite di Aruba den natacion artistico, cu a purba su rutina nobo di solo. Kyra lo competi cu e rutina aki na e World Cup Games na Paris na maart binidero, representando Aruba riba un di e plataforma mas grandi den e deporte aki. Su presencia den e evento a sirbi como inspiracion pa e atletanan mas hoben y pa comunidad local di natacion artistico.


Un danki di curason Federacion di Natacion di Aruba ta expresa su gratitud na:

- Nos atletanan dedica pa nan trabou duro y pasion
- Nos huesnan y oficialnan experto pa nan tempo y conoimento



- E mayornan cu ta duna semper nan sosten
- Nos boluntarionan increible cu ta haci eventonan manera esaki posible

Forma parti di e comunidad



di natacion artistico! Federacion di Natacion di Aruba ta compromete cu e promocion y desaroyo di deporte acuatico pa tur edad, for di muchanan chikito (5 año) te na atleta di nivel master, dunando nan e oportunidad pa train, competi y representa Aruba internacionalmente. Den varios programa, e Federacion ta sigura accesibilidad na natacion, natacion den

awa habri, natacion artistico y otro disciplina acuatico.

Si bo tin interes den natacion artistico, no perde e sesion di prueba cu Team Barracuda dia 15 di februari na 8 AM na Piscina Olimpico Roly Bisslik den Savaneta. Pa resultadonan oficial di competencia y actualisacion di evento den futuro, sigui @arubaaquatics-federation riba red media.



## Chauffeur burachi a perde control na Sasakiweg y a bay cay den rooi



Diasabra a drenta informe di un accidente na Sasakiweg, mesora a dirigi un patruya na e sitio. Na yegada di e patruya

a bin compronde cu aki ta trata di un chauffeur burachi cu a perde control baha caminda y a bay cay den e riool.

Ora polis a test e a bin descubri cu e ta burachi y a detene

## Guarda Nos Costa atrobe a subi caya pa gara hendenan indocumenta



Diasabra atardi atrobe Guarda Nos Costa a subi caya pa gara hendenan indocumenta. Aki a logra detene varios persona in-

documenta.

Un par lo a core bay pero GNC a sigui nan tras y a logra detene nan.

Esnan indocumenta a ser hiba na e instalacion di centro di detencion pa e proceso di expulsion y deportacion.

## Hende herida na Caya Fransebloem

Diasabra anochi a drenta informe di cu tin un hende herida na Caya Fransebloem, mesora a dirigi tanto polis como ambulans na e sitio.

Na yegada di e ambulans a bin compronde segun un dama cu e no a yama polis ni ambulans y a core cu nan for di e sitio polis a nota cu e dama tin algun corta y pa su mesun bon nan kier a atende. Na e cas e dama tabata cu un amigo kende probablemente



lo a yama bisa cu e persona ta herida pero despues e amigo a desaparece. Como cu e actitud di e dama a halsa

y e herida ta leve tanto polis como ambulans a dicidi di bay lague tranquil y nan a bandona e sitio.



## Polis y ambulans a bay Pacifico Dakota pa un maltrato



Diasabra atardi a drenta informe di un caso di maltrato na Pacifico Dakota,

mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un caso di maltrato severo

unda cu nan a maltrata un persona na su cara. Na yegada di ambulans nan a atende

e victima y a transporte pa pa hospital.



## Auto a perde control riba Sasakiweg dal palo di lus y bolter



**Diadomingo madruga a drenta informe di un accidente cu hende herida riba Sasakiweg, mesora a dirigi tanto polis como ambulans na e sitio.**

Na yegada di e patruya a bin compronde cu aki ta traya di un accidente unda cu un

chauffeur ta perde control baha caminda dal un palo di lus y bolter. Na yegada di e

ambulans nan a atende e victima y a transporte pa hospital.

## Chauffeur burachi a causa un accidente na Schotlandstraat



**Diadomingo madruga a drenta informe di un accidente na Schotlandstraat, mesora a dirigi un patruya na e sitio.**

Na yegada di e patruya a bin compromde cu un chauffeur

burachi a perde control y a bay dal contra e hekki di un negoshi. Ora polis a bay test e chauffeur a bin resulta cu e ta

bao influencia. Polis a detene e chauffeur y a bay warda di polis cun'e.

Cu takelwagen mester a kita e auto for di eyman.

## Chauffeur poco bebi a perde control y ranca palo di lus y bay cay den rooi



**Diadomingo madruga a drenta informe di un accidente cu hende herida na Sasakiweg, mesora a dirigi tanto polis como ambulans na e sitio.**

Na yegada di e patruya a bin

compronde cu e dama chauffeur poco bebi a perde control baha caminda ranca palo di lus y finalmente bay cay den

rooi. Na yegada di e ambulans e dama a bisa di no kier ni mester atencion medico. Polis a test e dama y a bin

descubri cu e dama ta net na e rand di e limite y a dun'e djies un boet apart di e gastonan ocasiona.

## Pelea formal na hotzone banda di area hotelero



**Diadomingo madruga a drenta informe di un pelea formal e incontrolable na e hotzone banda di e hotelnan highrise, mesora a despacha polisnan na e sitio incontrolable.**

Na yegada di e patruyanan

a bin compronde cu ta trata di pelea entre localnan cu turistanan. Polis a cuminsa plama nan for di otro pa asina restaura ordo.



## Accidente hit & run riba e “Green Corridor” na Mahuma

**Diadomingo mainta a drenta informe di un accidente na Mahuma, mesora a dirigi un patruya na e sitio.**

Na yegada di e patruya a bin compronde cu aki ta trata di un accidente hit & run unda un Nissan March a bay dal tras di e auto y a sigui core bay. Pero prome cu esey a sosode e chauffeur cu a keda atras a saca potret di e auto cu



a bay. Lo ta miho pa e chauffeur ey bay warda di Balashi pa asina e evita cu polis bay su cas of trabao y pone pasa berguensa y detene.




## Homber haya den auto golpia na un bar na Noord

**Diadomingo madruga a drenta informe di un pelea na un bar na Noord, mesora a dirigi patruyanan na e sitio.**

Na nan yegada aparentemente a compronde cu e hendenan a bay, pero despues di un rato a haya un persona mal golpia den un auto den cercania. Polis a pidi presencia di un ambulans na e sitio, na yegada di e ambulans nan a atende e victima y a transporte pa hospital. Polis a topa cu un dama tambe maltrata y polis a tuma su datos y posiblemente locual a sosode.



## Kiebro y ladronicia di auto a bolbe lanta cabes awor na Ponton



**Diadomingo mainta a drenta informe di un caso di kiebro y ladronicia for di un auto na Ponton, me-**

**sora a dirigi un patruya na e sitio.**

Na yegada di e patruya a bin

compronde cu aki ta trata di un caso di kiebro y ladronicia for di un Mitsubishi Outlander unda un desconocido

lo a kibra rancando un bentana completo di e auto y drenta paden reboltia tur cos den e auto y bay cu pertenen-

cianan di e doño di e auto. Polis a tuma keho di e susedido.

## Mas caso di kiebro y ladronicia di auto; dilanti Cas di Dios ladronnan a horta

**Diadomingo mainta a drenta informe di caso di kiebro y ladronicia banda di Misa di Santa Cruz, mesora a dirigi un patruya na e sitio.**

Na yegada di e patruya a bin compronde cu aki ta trata di un caso di kiebro cu ladronicia for di un auto. Polis a tuma e keho aki y a pas'e pa e team di auto-diefstallen.





Filomena Mavo tin eleccion di reina diahuebs awo na Centro di Bario Brazil

Diahuebs, 13 di februari 2025, Filomena College MAVO na San Nicolas ta organisa e eleccion di Reina 2025. E eleccion ta cuminsa 6:00 pm y ta den Centro di Bario Brazil.

E prins “All” cu pancho “Out” cu ta Brandrick Ridderstap y Jay-Xiondrick Bisslip, lo saca Filomena Youth Queen 2025. Algun artista invita lo ta Tumberitonan infantil y hubenil ’25 J-Vyön Besselink, Melody Franken, Dj Dyon, Gucci Dancers, Justin Trinidad “King J” y reina saliente Anwizyann German. MC ta mener Addonsito Croes cu ademas ta na cabes di e comision organisador. E candidatanan participan-



do ta Xaphiera Granston, Saidriana Saint Velus, Josiella Boekhoudt, Shailienne Brown y Sheldry Boekhoudt. Na final lo ta sacando best Costume recicla, best Show, best Speech, reina popular, reina fotografica, second

runner-up, first runner-up y Reina di Filomena College Mavo 2025. Un y tur ta invita pa bin presencia y apoya Filomena College MAVO su eleccion di Reina ’25 diahuebs, 13 di februari 2025 pa 6:00 pm.

Rosario Bibo diaranson 12 di februari na Alto Vista



Diaranson awo, 12 di februari, lo tin otro Rosario Bibo na kapel di Alto Vista. Manera ta custumber tur luna, fielnan ta reuni na pia di Birgen di Alto Vista pa pidi’e su proteccion pa nos isla y pa nos casnan di famia.

Ta cuminsa resa pa 7’or y mey di anochi y cada persona por presenta su intencionnan personal y general. Mundo ta pasando den momentonan dificil y p’esey tur ocasion ta yuda pa tranquilidad den cada

pais y naturalmente pa Aruba tambe

Diaranson ta dos dia prome cu dia di Amor y Amistad y ta momento pa nos reflexional riba loke Hesus a siña nos, esta pa nos stima nos ruman, nos prohimo. Duna atencion na nos grandinan, tur enfermo, esnan den cualkier necesidad sea material of spiritual. Comision organizado ta invita tur fiel pa asisti na e Rosario Bibo pa luna di februari, diaranson awo 12 di februari na kapel di Alto Vista.

Resultado Sorteo  
Februari 11

Cadena Alexander Lottery ta presenta resultado di weganan di suerte

DIARIO	KORSOU	SUPER4	FLAMINGO
9763	6621	3420	6519
9365	5499	SUPER5	2909
7000	7505	-	7040

MERDIA

Sorteo # 4534  
4849  
2153  
6806  
MULTI-X  
X3  
BIG 4  
Sorteo # 4534  
4988  
MULTI-X  
X5  
DFF  
Sorteo # 2590  
9543  
ZODIAC  
Sorteo # 4534  
0095  
Piscis  
LUCKY 3  
Sorteo # 1408  
781  
MULTI-X  
X2

Sorteo # 8471  
3299  
7987  
7948  
MULTI-X  
X2  
BIG 4  
Sorteo # 7515  
6346  
MULTI-X  
X5  
DFF  
Sorteo # 2220  
7543  
ZODIAC  
Sorteo # 6274  
7218  
Capricornio  
LUCKY 3  
Sorteo # 1204  
186  
MULTI-X  
FP

Sorteo #  
0 x Jackpot  
0 x Match 4+  
0 x Match 4  
0 x Afl. 12,00  
Joker Letter  
Proximo Jackpot  
100.000,-  
  
Sorteo # 6740  
0 x Jackpot  
7 x Match 4  
251 x Afl. 8,00  
12-15-18-20-26  
Proximo Jackpot  
68.000,-  
  
Sorteo # 1740  
0 x Jackpot  
4 x match 4  
36 x Afl. 500,00  
414 x Afl. 50,00  
552 x Afl. 15,00  
03-15-23-30  
Mega Ball 11  
Proximo Jackpot  
1.600.000,-  
Afl. 2.500.000,-  
  
Sorteo #

Cambio den prijs di  
productonan petrolero 12  
februari 2025

241.7  
+8.2 ct/ltr  
Gasoline  
Unleaded-  
Premium

218.2  
+13.3 ct/ltr  
Diesel ULS

196.1  
+12.6 ct/ltr  
Kerosine

Minister di Asuntonan Economico, Comunicacion y Desaroyo Sostenibel ta anuncia e prijsnan nobo di benta di combustibel entrante 12 februari 2025:

Gasoline unleaded-premium	: 241,7 cen p/ltr. (+ 8,2 cen)
Diesel LS	: 218,2 cen p/ltr. (+ 13,3 cen)
Kerosin	: 196,1 cen p/ltr. (+ 12,6 cen)

E prijsnan ta inclui BBO/BAZV/BAVP.



**Cas Di Cultura**

Vondellaan 2 Aruba  
297-582-1010

**F A D A**

Campanastraat 5 Aruba  
297-583-2999  
297-583-9610

**F A V I**

Primavera 233 Aruba  
297-582-5051  
297-582-5222

**F E P O**

Engelandstraat 15 Aruba  
297-583-1016  
297-583-6607

**Fundacion Contra  
Violencia Relacional**  
Tel: 583-5400

**Fundacion Autismo  
Aruba**

Irenestraat 21 Aruba  
297-588-1179

**Fundacion Pa Nos  
Muchanan**

Cumana 2 Aruba  
297-583-4247

**Fundacion Tel Pa  
Hubentud**

Wilhelminastraat 19  
Aruba  
297-588-6138

**Koningin Wilhelmina  
Fonds**

Spinozastraat 9 Aruba  
297-582-0412

**Mary Joan Foundation**  
Sabana Blanco 8 Aruba  
297-588-9999

**Rode Kruis Aruba**

Pedro Gallegostraat 14  
Tel. 297-582-2219  
Fax 588-3376

**Famia Planea (SBVO)**

Avenida Milio J Croes 17  
B Aruba  
297-588-9591  
www.famiaplanea.org  
famiaplanea@hotmail.com

**Stichting Fundacion  
Guia Mi**

George Madurostraat 34  
297-582-0088

**Y M C A**

Calbasstraat 1 Aruba  
297-582-3072

**AL-ANON group**

Sabana Liber #8, Noord  
(close to the hotels)  
Tel: 736-2952 or  
593-7081

**Dokter na warda**

**Oranjestad** **San Nicolas**  
**Hospital** **Imsan**  
7:00 pm / 10:00 pm **24 ora**

**Botica na warda**

**Oranjestad:** **San Nicolas:**  
**Sta. Anna:** **San Lucas:**  
Tel. 586 8181 Tel. 584 5119

**EMERGENCIA** **911**

**POLIS**

**Oranjestad** **100**  
**San Nicolas** **104**  
**Santa Cruz** **105**  
**Noord** **107**  
**Tip Line** **11141**  
**Brandweer** **115**  
**Ambulance** **911**  
**Hospital** **527-4000**  
**Imsan** **524-8833**  
**Warda Costa** **913**  
**Seguridad Nacional** **11911**  
**Cruz Cora** **582-2219**

**BOTICA**

**Aloe** **584-4606**  
**4 Centro Medico** **584-5794**  
**Central** **585-1965**  
**Dakota** **588-7364**  
**Del Pueblo** **582-1253**  
**Eagle** **587-9011**  
**Kibrahacha** **583-4908**  
**Maria** **585-8145**  
**Di Servicio Noord** **586-4606**  
**Oduber** **582-1780**  
**Paradera** **588-6638**  
**San Lucas** **584-5119**  
**San Nicolas** **584-5712**  
**Santa Anna** **586-8181**  
**Santa Cruz** **585-8028**  
**Sero Preto** **584-4833**  
**Trupial** **583-8560**

**UTILIDAD**

**Setar** **117**  
**Web** **525-4600**  
**Elmar** **523-7147**

**FUNERARIA**

**Aurora** **588-6699**  
**Royal Funeral H.** **586-4444**  
**Ad Patres** **584-2299**  
**Olive Tree** **584-8888**

**Servicio di Taxi**

**Aruba Transfer Tour &  
Taxi C.A.**  
Tel: 582 2116 / 582 2010

**Taxi Adres Services (24h)**  
Tel. 587 5900

**A1 Taxi Services Aruba**  
Tel: 587-8850  
Tel: 280-2828  
Whatsapp: 592-7024

## Papa Francisco ta acepta renuncia di obispo Peruano acusa di ignora abuso

(AP) - Papa Francisco a acepta e renuncia di un obispo Peruano cu tabatin hopi influencia y a keda acusa pa no tuma suficiente accion pa stop abusonnan cometi pa un movimiento catolico cu Vaticano recientemente a dismantela.

Peru su Bishop Conference a bisa cu Arsobispo Miguel Cabrejos di Trujillo, lo ser reempasa pa obispo Gilberto Vizcarra. Un motibo pa e Papa su decision no a ser duna.

Cabrejos, di 76 aña, tabata presidente di Peru su Bishop Conference te cu januari y tabatin e posicion aki pa 12 aña caba. Den un declaracion cu el a publica aña pasa, e arsobispo a bisa cu el a presenta su renuncia na Vaticano den 2023 di acuerdo na ley nan di e misa catolico cu ta haci yamado na obisponan pa prepara pa baha cu pensioen cu 75 aña.

Durante e tempo cu e Arsobispo Cabrejos a lidera e conferencia, e movimiento Catolico basa na Peru, Sodalitium Christianae Vitae, tabata acusa di sexualmente abusa esnan cu nan tabata recluta, di menasa na reporteronan y organisa plannan pa kita tereno di e devotonan na parti nort di Peru.

Victimanan di e movimiento, conoci tambe como SCV, a acusa Cabrejos di a ignora e practicanan aki. "E tabata indiferente na e victimanan," Pedro Salinas, reportero y ex miembro di SCV cu a publica un buki tocante e abusonnan aki a comenta.

SVC, cual a ser funda den comienso di añanan 70, a ser dismantela den januari pa Papa Francisco.

Den 2017, un rapport cu e grupo su liderazgo a comisiona, a revela cu su fundador Luis Figari tabata somete e miembronan nobo na abusonnan psicologico y sexual.

Despues di un intento pa reforma, Francisco a manda su dos investigadornan confia,



Arsobispo Charles Scicluna y Monsignor Jordi Bertomeu, pa investiga e abusonnan di Sodalitium. Nan rapport a descubri abuso di poder, spiritualidad, autoridad y economico similar na un secta, ademas di casonan di

acoso na e criticonan.

E rapport aki a resulta den e expulsion aña pasa di Figari y 10 miembrbro top, incluyendo un arsobispo cu a demanda Salinas y reportero Paola Ugaz pa nan reportahe.

## Pronostico di tempo

**Tempo:**

Awe nochi: parcialmente nubia y generalmente seco  
Den marduga y mañan: parcialmente nubia cu un awasero breve

Temperatura maximo 31  
grado Celsius

Temperatura minimo 26  
grado Celsius

Indice di calor (heat index)  
den y rond di oranan di merdia: 32 pa 36 grado Celsius

Uv index: 8

Bahada di solo : 6:45 pm


Subida di solo : 7:03 am

**Biento:**

Moderate te basta fuerte for di direccion generalmente oost; forsa 4 te 5 (20 te 39 km/ora, 11 te 21 nudo)

Durante di dia fuerte te posiblemente duro den rafaga; forsa 6 te 7 (40 te 61 km/ora, 22 te 33 nudo)

Situacion general di tempo:  
Humedad den partinan



mas abou di atmosfera lo pone de bez en cuando mas nubia pasa riba region local. Principalmente den oranan di marduga y mainta esaki por produci algun awacero breve y local.

**Condicionnan maritimo/  
estado di lama:**

Na partinan protege di costa: keto, rond di 1 pia.

Na partinan zuid: trankil 1 pa 3 pia.

Na partinan oost te noordwest di costa: modera te localmente bruto cu olanan

**TA OFRECE**

Sra. ta ofrece pa haci cas limpi, strika paña, cuido di hende grandi  
Tel. 567 0479

218892



# Aurora

## Royal Pray

Funeral Home & Crematory

*"Wait on the LORD: be of good courage, and he shall strengthen thine heart: wait, I say, on the LORD." - Psalm 27:14*

It is with deep sadness that we announce the passing of our beloved: husband, father, brother, brother-in-law, uncle, cousin, and friend:



**Edward Alexander Anderson**  
Better known as " Andy, Eddy or Adarn"  
★ April 4, 1950 - † January 18, 2025

Let to mourn are:

**His wife:** Vanito Anderson née Williams

**Children:**

Dalmarie Anderson and Nicole Anderson

**Brothers:**

†Lawrence Turner and family

†Kenneth Royal and family

†Oscar Royal and family

Ezekiel Anderson and family

†Obediah Anderson and family

Charles Anderson and family

Rufus Anderson and family

**Sister:** Eliza Turner and family

**Brother-in-laws:** Wester Mc Leish and family, Calvin Dwyer and family, Cerbert Williams and family, Delroy Williams, George (John) Williams and family

**Sister-in-law:** Vivine Barrett and family

Cousins, nieces and nephews are too numerous to mention.

Members of Seventh Day Adventist Church, neighbours and friends in the community.

**Other Families:**

Brown, Carridice, Deebles, Hall, Hibbert, Powell, Reids, Royals, Turners, and Wrights.

The **Funeral service** will take place on **Wednesday, February 12th, 2025** at the San Nicolas Seventh Day Adventist Church located at Dr. Schaeapmanstraat 3.

The body of the late Edward Alexander Anderson will be laid out from 1:00pm. The service will start at 2:00pm. Followed by the burial service at the Sabana Basora Cemetery.

**Address for Condolences:**

The Pray Funeral Home in San Nicolas  
Tuesday, February 11th, 2025, from 7:00 - 9:00 pm.

We apologize if during our time of sorrow, we may have overlooked any family or friends.

# Aurora

## Royal Pray

Funeral Home & Crematory

*Laga nos alaba Dios y Tata di nos  
Señor Hesus-Cristo!  
E ta un Tata misericordioso y un  
Dios cu semper ta consola  
Corintionan 1 : 3*

"No corda riba mi cu tristesa.  
No corda riba mi cu lagrima.  
Corda riba mi cu un sonrisa".  
Cu dolor na nos curason pero  
conforme boluntad di Señor, nos  
ta participa fayecimento di nos  
ser stima, ruman, tanta y cuña:



**Sra. Ivonne Magarita Quandus**  
★22 februari 1954 - † 4 februari 2025  
Cariñosamente yama "Vonchi"

**Mama:** †Suzette Quandus-Pastour

**Tata:** †Miguel Quandus

**Na number di su rumannan:**

†Marcel (Gaga) y Jeanne Porino y famia

Alfred (Freddy) Quandus y Ida Jabbar y famia

Marisa Quandus y famia na Hulanda

Claudio (Roy) y Elaine Quandus-Geerman y famia

Bernadette (Detta) y Martin Franken-Quandus y famia

**Su sobrinonan stima:**

Edgar (Juni) Porino na Hulanda

Sharinne Porino

Kenrick y Xuyan Quandus-Wu y famia

Omar Quandus y famia

Angelo y Irella Quandus-Partodikromo y famia

Ute Quandus y famia

Giovanni Franken y famia na Hulanda

Gioandi Franken y famia na Hulanda

Elvin y Julissa Poppen-Chayadi y famia

Claudette y Michael Leon-Sjiem-Fat y famia na Hulanda

Ezrah y Chris Szwichtenberg-Sjiem-Fat y famia na

Hulanda

Christian Quandus na Hulanda

Janice Franken y famia na Hulanda

Su sobre sobрино/a- y ihanan na Aruba, Hulanda y Kòrsou

**Cuña stima:** Jeanne Porino

**Amiganan y amigo manera ruman:** Pricillia (Mem) Poppen, Maria Lopez, Aurita Kock, Mena Loefstok, Ingrid Stewart, Yvette Dijkhoff, Coleta Zschuschen, David Bergrok, Marly Delgado, Desiree Da Costa Gomez, Miriam Carrera na Kòrsou y Caría Lussier na U.S.A.

**Amigonan stima:** Raymond Phillips, Wendell Precilia y Sonny Paulina na Kòrsou

**Bisiñanan:** Comenencia, Herts, Tromp, Dania, Sneek, Steenen, Rafael, Bosnie, Hoo, Ignacio, Tromp, Malmberg Demas famia: Quandus, Porino, Jabbar, Franken, Geerman, Celaire, Kock, Wu, Partodikromo, Poppen, Chayadi, Sjiem-Fat, Leon, Szwichtenberg, Rosina, Comenencia, Berok, Phillips, Lopez, Precilia, Paulina, Da Costa Gomez, Carrera, Stewart, Dijkhoff.

Su ex-coleganan di Divi-Tamarijn Hotels y Kushina Krioyo (Kòrsou)

Propetaria di Unique Engravings.

Un danki special na Dra. Ivette Garcia na Kòrsou pa cu su atencion na nos ruman y na Maria Lopez y Ute Quandus durante momentonan critico na Colombia.

Nos disculpa si durante e momentonan aki di tristeza nos por a lubida un familiar of conoci.

**Condolencia y despedida** lo tuma lugar riba Diaranson 12 di februari 2025 na Aurora Funeral Home di 2'or pa 4'or di atardi. Despues di despedida e acto di cremacion lo tuma lugar den seno familiar.

Nos ta lamenta cu despues di despedida nos lo no por ricibi bishita di condolencia na cas.


# Aurora

## Royal Pray

Funeral Home & Crematory

*Mi no a muri, pesey mi no a bisa ayo.  
Mi a djis habri mi halanan y bula bay.  
Boso a keda atras, no laga tristeza domina boso.  
Keda uni cu otro, pa mi alma esey lo ta un alegria.  
Recordami cu hopi amor.*

Cu inmenso tristesa nos ta anuncia fayecimento di nos ser stima:



**Odette J. Caster-Molina**  
Vuida di Raphael J.F. Caster  
★20-07-1936 - †06-02-2025

Na number di su **casa:** † Raphael J.F. (Feki) Caster

**Su yui:** Odette A.C. (Corry) Caster

**Su rumannan:**

† Ricardo Molina (Curaçao)

† Mina Lacroes-Molina (Curaçao)

† Lilia Bouman-Molina (Curaçao)

† Enit Molina (Curaçao)

**Su sobrinonan:**

Ricardo (Dito) Molina y famia (Hulanda)

Cecil Hoevertsz y famia (Curaçao)

Daniela Sprott y famia (Curaçao)

Eugene Lacroes y famia (Curaçao)

Glenn Lacroes y famia (Curaçao)

Juliette Lacroes y famia (Curaçao)

Carl Lacroes y famia (Hulanda)

Sharine (Shanny) Bouman (Curaçao)

Wiardus (Wiard) Bouman y famia (Hulanda)

Alexander (Alex) Bouman y famia (Hulanda)

Anne-Marie (Anneke) Bouman (Curaçao)

Ramphis (Rampi) Bouman y famia (Hulanda)

Monique Bouman-Esprit y famia (Curaçao)

Pedro (Junior) Atacho y famia (Curaçao)

Yvette Atacho y famia (Curaçao)

**Su cuña:** Emilia (Ina) Caster y famia

**Su swa:** † Hubertus (Betty) Caster y famia (Hulanda)

**Su ihanan:**

Wiardus (Wiard) Bouman

Eugene LaCroes

Pedro (Junior) Atacho

† Carlos Rojer

Jofren Krosendijk

Landa Orman

**Su cuidador personal:** Jeanne d'Arc Laveau

Su **mihor amiganan:** Astrid Orman, Aurora Rodulfo, Lucia Werleman

**Su bisiñanan:** Taytelbaum, Arends, Croes, Paula y Anthony

Su ex coleganan di Spritzer & Fuhrman

**Demas famianan:** Molina, Isebia, Lacroes, Bouman, Atacho, Caster, Tromp, Davelaar, Esprit, Kock, Larmonie, Albertsz, Laveau y Calixte

Nos ta desea di yama un danki special na dr. Oudshoorn (HOED).  
Nos disculpa si den nos tristeza nos por a lubida un miembro di famia.

Ta invita pa **acto di condolencia y despedida** cual lo tuma lugar na Aurora Funeral Home **diabierne 14 di februari 2025** di 9:00 a.m. pa 12:00 a.m. **Cremacion** lo tuma lugar den seno familiar.

Tur hende lo por bin bisti na colornan alegre.  
Nos ta lamenta cu despues di entierio no por ricibi bishita di condolencia na cas.




# Aurora

## Royal Pray

Funeral Home & Crematory

“Señor ta mi wardador, mi’n tin falta di nada  
Den cunucu di yerba berde e ta ponemi sosega.  
E ta hibami na awa trankil, Pa mi bolbe haña forsa”  
Salmo 23



**Ramona (Carmen Luisa) Kock -Tromp**  
\*01-03-1932 – †06-02-2025

Na nomber di:  
**Su esposo:** †Harold Edwin Kock

Na nomber di su mayornan:  
**Su mama:** †Petra Tromp  
**Su tata:** †Juan Fingal

**Su yiunan:**  
Ruthmila Kock y Freddy Themen  
Elvis Kock y Margarita Kock-Garcia  
† Michaël Angelo Kock

**Nietanan & Nietonan:**  
Ryan y Cathleen Gomez-Hernandez, Roël Gomez y Erishka Lake, Jean-Marc Kock y Lidiénne Vrolijk, Chantal Kock, Jean-Mitchell Kock y Francys Falcon, Christian Kock, André Kock, Michelle Kock.

**Bisnietonan:** Noah Gomez, Lucas Gomez, Daylen Kock, Kevin Kock, Jayden Kock, Jaydrick Kock, Jayron Kock.

**Rumannan:**  
Emiliano Francisco Fingal y famia  
†Lauriano Fingal y famia  
†Leopold Hubertus Fingal y famia  
Guillermo Maria Fingal y famia  
†Hilario Crescencio Fingal y famia  
Yolanda Maria Fingal  
Filomena Guadalupe Fingal y famia  
Maria Regina Fingal  
Lucio Suriano Fingal y famia  
Sixto Alberto Fingal y famia  
Bibiano Nicolas Fingal y famia  
Pedro Roberto Fingal y famia

**Su amiga y amigo nan:**  
Magdalena (Chichi) y Daniel Marchena-Tromp, Luz-Mila Tromp, Maria di Pancho Maduro, Otilia y Liz Thiel.  
**Demas Famia nan:** Kock, Tromp, Fingal, Martinus, Garcia, Themen, Hernandez, Somers, van de Poel, van Bodegom, Marchena, Hock.

**Sua y cuñanan:**  
†Edita Somers-Kock y famia  
†Elca Somers-Kock y famia  
† Ruth van de Poel-Kock y famia  
Esther van Bodegom-Kock y famia  
Hugo kock y famia  
Franklin Kock y famia  
Winston Kock y famia  
†Washington kock y famia  
Iris Kock y famia  
Ludwina Kock y famia  
Humphrey Kock y famia  
Yamila Hoeveritz-Kock y famia  
Inrich kock y famia  
Isel Kock y famia  
Gardenia Kock y famia

Subrino y subrinanan, primo y prima nan, Iha nan, grupo di Playa Pabou, su grupo di Jesus Misericordioso.  
**Su ex Nuera:** Esther Ras

**Un danki special na:**  
Dr. P.J.G. Tjon Kong San, Coleta Zschuschen, Janine Godoy, †Ivonne Quandus, Sugey de La Rosa Muñoz, Teodosia Huaman, Nubia Ojeda y Het Wit Gele Kruis, Soila Donata, Juliana Todd, Rina Angela.

Ta invita demas famia, amigo, bisñanan y conocirnan pa e **acto di condolencia y entierro** cu lo tuma lugar **diaranson 12 di februari 2025** di 9or pa 11or am na misa San Francisco na Playa.

Disculpa nos si den nos tristesa nos por a lubida algun famia y conocir. Prome y despues di entierro nos no ta ricibi bishita di condolencia na cas.

# Aurora

## Royal Pray

Funeral Home & Crematory

Mi ke alabá SEÑOR tur tempo,  
Su Alabanza lo no kita fo’i mi boca,  
Mi alma ta gloria den SEÑOR,  
Laga humildenan bin tende y gosa.  
Canta grandesa di SEÑOR huntu cu mi,  
ban alabá SU Number tur huntu!  
Salmo 34



Cu hopi dolor na nos curason, pero conforme boluntad di nos creador y senjor Dios y gradicido pa tur loke ela nifica pa nos, nos ta participa fayecimento di nos casa, tata, welo, ruman, swa, omo y amigo:

**Ruben Geerman**  
Nos Pa y Opa stima  
\*29-11-1939 - †07-02-2025

Na nomber di,  
**Su casa:** Irena M. Geerman-Ras

**Su tata y mama:**  
†Ambrosio “Booshi” Geerman y †Dominica “Angelica” Geerman-Geerman

**Su yiunan:**  
Ruben “Bencho” Geerman y Ursula Geerman-Croes  
Rodney Geerman y Mirla Geerman-Kock  
Su nieto(a)nan:  
Rutienne Geerman  
†Mitchell Geerman  
Anthony Geerman  
Michella Geerman  
Thanya Geerman  
Micheline Geerman

**Su rumannan:**  
†Pancho Thiel y famia  
†Panchito Geerman y †Rosa Geerman-Wernet y famia  
†Emelita Geerman y famia  
†Benjamin Geerman y Lelia Geerman-Kock y famia  
†Irma Kock-Geerman y †Augustin Kock y famia  
†Thomas Geerman y Dora Geerman-Koolman y famia  
†Cristobal Geerman y Sonia Geerman-Dabian

**Manera ruman:**  
Robert “Roy” Geerman  
Estrella Japtjong y famia  
Sonia Japtjong y famia

**Su swanan y cuñanan:**  
†Ambrosio Ras y †Aura Ras-Zavala y famia  
†Adela Ras y †Ronny Dake  
†Efrain Ras y Elia Ras-Henriquez y famia  
Florentina Dijkhoff-Ras y †Rosindo Dijkhoff y famia  
†Eduardo Ras y Jeany Ras-Haayen y famia  
Diana Hernandez-Ras y †Antonio Hernandez  
Lucrecia Boekhoudt-Ras y Facundo Boekhoudt y famia  
†Michael Ras  
Anna Maria Ras y famia

**Su iha:**  
Rene Dijkhoff

Su sobrinonan y sobrinanan, primonan y primanan

**Su amigonan di cas:**  
Orlando Sint Jago y Glenda Sint Jago-Kock  
†Vicente Croes y Ursula Croes-Werleman  
Richard Bikker y Liska Bikker-Croes  
Carol Boekhoudt  
Bryan Kock

**Su bon bisñanan:**  
Famia Margaretha  
Famia Brooks

Su ex-coleganan di Directie Financien y ex-compañeronan di ex-Formosa Softball Team

**Demas famianan, amigonan y conocirnan:**  
Geerman, Ras, Croes, Kock, Thiel, Wernet, Dabian, Koolman, Zavala, Dake, Henriquez, Dijkhoff, Haayen, Hernandez, Boekhoudt, Fortin, Arends, Capela, Fullinck, Nicolas, Brete, Maduro, Jacobs, Werleman, Noguera, Vrolijk, Giel, Vlaun, Marchena, Sint Jago, Bikker, Wever, Margaretha y Brooks.

Ta invita p’e **acto di despedida** cual lo tuma lugar na Royal Funeral Home, **diahuebs 13 di februari 2025** di 1or pa 4or di atardi. Despues di e acto lo sali cu e restonan mortal pa Santana Catolico na Savaneta.

Disculpa nos si den nos tristesa nos por a lubida di menciona algun famia of conocir. Despues di entierro no ta ricibi bishita di condolencia na cas.

# Aurora

## Royal Pray

Funeral Home & Crematory

Drenta su portanan cu gradicimento,  
drenta su tempel cu cantica di alabansa,  
glorific’e, bendiciona su Number.  
Salmo 100:4

Cu dolor na nos curason, nos ta participa fayecimento di:



**dr. Rudolf M.M. Jessurun**  
“Rudy”  
\*25-04-1934 - † 28-01-2025

Na nomber di su:  
**Esposa:**  
†Griselda Jessurun-Isenia

**Yiu:**  
Carlos Jessurun y esposa Marlene Jessurun  
Nieto y Nietanan:  
Brandon Jessurun  
Vanessa Jessurun  
Venae Ehambe  
Nieto yerno:  
Joshua Ehambe

**Rumannan**  
†Alfons Jessurun  
†Georgine Pracht  
†Tilly Clothilde Gietel  
†Willy Dare  
†Antonius Jessurun  
†Angelique Wederfoort

**Sua- y cuñanan:**  
† Nelson y Edith Isenia Frans  
Noris y †Pablo Conradus Isenia  
Winston y Olga Isenia Gutierrez  
Mayra y †Robert Barendregt Isenia  
Ingrid y Johnny Carrega Isenia  
Eric y Gerda Isenia Rosalia

**Un danki special ta bay pa e dunadonan di cuido:**  
Renato y Vickie van Putten  
Maria Bradford  
Maria Dalila Castaño Quiceno

**Ta invita pa asisiti na e acto di despedida cu lo tuma luga:**  
diasabra 15 di februari 2025 di 2:00 PM pa 4:00 PM  
na Aurora Funeral, Cumana, Oranjestad. Sigui pa su ultimo luga di sosiego na Santana di Sabana Basora

Nos disculpa cu despues di e entierro nos no por ricibi bishita di condolencia na cas.

Nos di famia Jessurun ta gradici tur famia, amigo y conocinan.



## Aurora

### Royal Pray

Funeral Home & Crematory

*Señor ta mi wardador; Mi no ta bai ke.  
E ta ponemi sosega den cunucu di yerba berde,  
E ta hibami na awa trankil.  
E ta restorá mi alma,  
E ta guiami den e kamindanan  
di hustisia pa motibu di Su nòmber  
Salmo 23: 1-3*

Ta cu honda tristesa nos ta informa di fayecimento di



**Marie Enithe Panier**  
\*09-10-1958 - †04-02-2025

Na number di su:

**Compañe di bida:** Sr. Edwin Illidge

**Rumannan:**

Serge Panier  
Jean Panier  
Marie Denise Panier  
Marlaine panier

**Manera ruman:**

Stanley & Rica Illidge y famia

**Yiunan di Criansa:**

Louisa Ladenius  
Marina Rempe  
Elizabeth Illidge  
Haime Illidge

**Sobrino:** Gregory Laplante

**Manera subbrino(a)nan:** Magaly Illidge y famia, Miriam Illidge y famia, Alan Howell y famia

**Suegra:** Marie Martha Almineur

**Cuña:**

Corine Panier  
Nathalie B. Panier

Ex Coleganan di Divi Links special Proshop and as close friends Iona, Claudette, Ingrid and Lynn Ex coleganan di The Light House Restaurant

Famia; Panier, Illidge Howell, Ladenius, Rempe

**Acto di entiero** lo tuma lugar **diaranson 12 di februari 2025**, na Aurora Funeral Home di 9or pa 11or di mainta, despues lo sigi pa Santana central na Sabana Basora

## Aurora

### Royal Pray

Funeral Home & Crematory

De HERE is mijn herder, mij ontbreekt niets;  
Psalm 23:1.

A fayece cristianamente:



**Christa Lydia Frieda Irausquin-Sprung**  
\*12-09-1935 - †07-02-2025

**Casa:** †Efrain Ismael Irausquin

Na number di su:

**Yiunan:**

Lothar Irausquin  
Rosemarie Fransen-Irausquin y Bas Fransen  
Reinhard Irausquin y Elizabeth Irausquin

**Nietonan:** Matthias, Lukas

**Sobrinonan:**

Maite Irausquin  
Dakie van Lennep-Yrausquin  
Andreas y Maren Sprung  
Christian Sprung y famia

**Demas famia:**

Irausquin na Aruba, Corsow y Hulanda

Personal y miembronan di Cas di Machi.

Ta invita pa e **acto di entiero** cu lo tuma lugar **diahuebs 13 di februari 2025** na kerki Protestant Playa cu **oportunidad pa condolencia di 2:00 pa 4:00 pm**, sigi pa un respons, despues lo sali pa Santana Protestant na Playa.

## Aurora

### Royal Pray

Funeral Home & Crematory

*“Bou di alanan di Dios mi ta sigur”  
Abo ku ta biba bou di amparo di Altisimo, ta  
hospedá den sombra di Dios Omnipotente, bisa  
Señor:  
“Mi refugio, mi forti, mi Dios, den kende mi ta  
pone mi konfiansa”  
Salmo 91:1-2*

Cu dolor na nos curason, nos ta participa fayecimento di nos ser stima:



**Humphrey S. Hewitt**  
Cariñosamente yama “Piet”  
\*28-10-1949 - †31-01-2025

Acto di dedpedida lo wordo anuncia despues

## Aurora

### Royal Pray

Funeral Home & Crematory

*“Señor ta mi wardador, mi’n tin falta di nada.  
Den cunucu di yerba berde e ta ponemi sosega.  
E ta hibami na awa trankil,  
pa mi bolbe haña forsa”.  
Salmo: 23*



Cu tristesa na nos curazon nos ta partisipa fayecimento di

**Flor Maria Carolina Ochoa**  
\*21-06-1941 †10-02-2025

Na number di su:

**Esposu:** †Jacintho Carolina

**Yiu di criansa:**

Francisco Elio y Carmen y fam  
Glenda y Theo y fam  
Ricardo y Resey y fam  
Judith Carolina

**Rumannan:**

Luiz Antonio Ochoa Jimenez y fam  
Lorenzo Ceciliu Ochoa V de Pineda y fam  
Blanca Aurelia Ochoa V de Pineda y fam  
Alicia Stella Ochoa Jimenez y fam  
Pablo Emilio Ochoa Jimenez y fam

Disculpa nos si den nos tristesa nos por a lubida di menciona algun famia of conocir.

Ta invita p’e **acto di despedida** cual lo tuma lugar na Aurora Funeral Home, **Diabierna 14 di februari 2025 di 2or pa 4or di atardi**. Cremashon lo tuma lugar den seno familiar

Despues di entiero no ta ricibi bishita di condolencia na cas.





## Congelacion di ayudo di Merca ta paralisa NGOs trahando pa yuda miyones di hende desplasa na Somalia

(AP)—Den un campo desola riba e frontera di e capital di Somalia, dies miles di hende internamente desplasa ta sinta bao solo cayente, insurgur si nan por haya acceso na cuminda y medicina despues cu presidente Mericano Donald Trump a congela mayoria di e ayudo drelando e pais Oost-Africano.



E decision di Trump, cual lo keda enforsa pa 90 dia despues di su orden ehecutivo dia 20 di januari, ta menasa pa collapse e economia di ayudo humanitario cu ta sostene bida di algun di e hendenan mas vulnerable na mundo. Merca ta provee mas ayudo den exterior compara cu cualkier otro pais, cu un presupuesto di 60 biyon dollar na 2023, of aproximadamente 1% di e presupuesto di Merca.

Somalia, un pais den e Corno di Africa cu ta luchando cu un insurgencia di Islamiconan extremista, ta depende casi completamente riba ayudo for di exterior pa cuida hende desplasa pa conflicto arma, contando pa 3 miyon, segun e agencia di refugiado di e Organisacion di Nacionnan Uni (ONU). E pais Oost-Africano tambe ta bringando cu e efectonan di desasternan natural, particularmente segura, y inseguridad

alimentario.

E Agencia Mericano di Desaroyo Internacional, of USAID, ta gasta 369 miyon dollar den Somalia na 2021, sosteniendo tur cos for di programanan di sanitacion pa nutricion di emergencia cu fondonan canalisa via gruponan gubernamental y no-gubernamental.

Ayan Ali Hussein, presidente di e campo di Doozdoox IDP riba frontera di Mogadishu, a bisa cu e orden di Trump ta provoca ordenan di casi un paro inmediato di trabao adresa pa partnernan di USAID, cerando serviccionan basico.

Diripiente “no tin facilidad pa trata muchanan malnutri,” el a bisa. “Hende muhe cu a experencia violencia di genero tabatin acceso pa cuida, consulta, proteccion, medicamento, sosten financiero

y paña, niun di cual ta disponible mas.”

E campo di Hussein ta encarga cu ocho sitio, cas di casi 8,000 hogar pa Somalinan internamente desplasa cu lo “haya falta di cosnan basico manera klechi di plastic” pa refugio temporal. E suspension di USAID, “a laga un buraco den nos bida,” el a bisa.

E congelacion di fondo tambe a causa un preocupacion grandi entre esnan den necesidad di cuida medico urgente, incluyendo hende cu HIV, como cu e ta stroba e trabao di casi tur NGO den Somalia. Un di e organisacionnan mas afecta ta e Somali Young Doctors Association, of SOYDA, un proveedor clave di asistencia medico den e camponan. Su fundador, Dr. Abdiqani

Sheikh Omar, previamente un oficial halto den e ministerio di Salud na Somalia, a bisa cu e anuncio diripiente di Trump a destablece nan programa.

Na 2025, Somalia mester a ricibi 125 miyon dollar den sosten di USAID pa programanan cu awor por bira “nulo y anula,” el a bisa. Pa aborda e deficitnan di fondo aki, su grupo a dicidi pa priorisa nutricion critico y programanan di higiena.

Hopi trahador tambe ta enfrenta perdida di trabao inmediato, y e organisacion ta “trahando cu profesionan alnan boluntario di salud pa cubri e fondo di personal di emergencia via shiftnan part-time,” el a bisa.

## E Iglesia di Inglatera ta vota pa aumenta bista riba declaracionnan di abuso. Victimanan ta bisa cu esaki no ta suficiente

(AP)—Miembronan di parlamento di e Iglesia di Inglatera a vota ayera pa introduci mas bista independiente di e manera cu e ta maneha acusacionnan di abuso, memey presion creciente pa mehora su responsabilidad.

Pero gruponan representando sobrevivientenan di abuso ta a expresa consternacion na e resultado, bisando cu e iglesia a fracasa pa promove medidanan di proteccion completamente independiente y yamando esaki “increiblemente desapuntante.”

Gruponan di victima a urgi e Sinodo General pa sostene un propuesta pa tur agente di e iglesia reporta na un organismo independiente. Pero e Sinodo a vota pa un otro opcion cu lo mira algun diocesano y agente di catedral kedando cu nan empleadornan actual di e iglesia.

Despues di algun ora di debate, mayoria miembro a acorda cu Obispo di Blackburn Philip North, ken a bisa cu e propuesta mas independiente ta “hopi complica y lo tuma varios aña pa implementa.” El a bisa cu durante e tempo ey, “No lo tin hopi cambio ora e iglesia y e nacion ta demandando cambio awor.”

ken a representa sobrevivientenan di abuso, a bisa cu e plan sosteni pa e Sinodo no lo aborda e asuntonan manera conflicto di interes y deferencia. Ayera tabata e prome sesion di e Sinodo desde cu Justin Welby, ex-lider di e iglesia y lider spiritual di e Comunión Anglicano global, a retira aña pasa despues cu un investigacion a renoba rabia tocante un falta di responsabilidad entre lidernan mayor di e iglesia.

E investigacion a descubri cu Welby a fracasa di conta polis tocante abuso fisico y sexual cometi pa un boluntario na camponan Christian durante zomer na momento cu el a haya sa di esakinan na 2013. E investigacion a descubri cu e boluntario, abogado prominente John Smyth, por a ser para prome cu el a muri na 2018 si Welby a reporta kico e tabata sa.

E reemplasante temporal di Welby, Arsobispo di York Stephen Cottrell, tambe a enfrenta yamadonan pa retira despues cu a surgi cu un pastor acusa di malconducta sexual a ser reapunta dos biha bao su encargo.

Cottrell a bisa dialuna cu el a comete erornan pero e ta determina pa lidera cambio den e iglesia.

Abogado David Greenwood,



**Romantic Dinner** FOR TWO  
On Valentine's Day

**143\$**

Per Couple  
(inclusive of taxes)

**Reservations:**

Please call 586-7800  
ext. 231 or 242

E-mail:  
tdsba1@iberostar.com

[www.tierradelsol.com](http://www.tierradelsol.com)



TIERRA  
DEL SOL  
GOLF COURSE  
BY IBEROSTAR\*